

儀禮經傳內編

儀禮經傳內編卷十九

姜兆錫註疏參義

大夫少牢饋食禮上

說見特牲饋食禮此少牢饋食禮本一篇以簡重分為上下舊以徹俎前為少

牢饋食而以其下別名為有司徹者非○注曰少牢饋食之

禮此諸侯之卿大夫祭其祖禰于廟之禮也疏曰按曲禮大

夫以索牛謂天子之卿大夫用太牢也則此用少牢是諸侯

之卿大夫賓尸是上大夫卿而不賓尸是下大夫可知也

大夫少牢饋食之禮日用丁巳祭甸有一日

○注曰禮將祭必先少去聲巳音紀注同

擇牲繫于牢而芻之牛羊豕具曰太牢有羊豕無牛故曰少牢也

內事用柔日必丁巳者取其自丁算自變改之義故必先諏此日

明日乃筮也甸十日也以先月下甸之巳筮來月上甸之巳疏曰

按周禮地官充人職云掌繫祭祀之牲牲牲祀五帝則繫于牢而芻

之三月享先王亦如之注云牢閉也必有開者防禽觸籥也芻養

也必三月者一時節氣成也楚語云諸侯御大夫雖不得三月亦

皆有養牲之法故云也牛羊曰芻犬豕曰豢地官槁人職云掌豢

祭祀之犬樂記云黍豕作酒是也羊豕具曰少牢牛羊豕具曰太

牢豕亦有羊稱詩公劉云執豕于牢下經云上利升牢心舌是豕

亦稱牢但非一牲即得牢稱若一牲即不得牢稱故郊特牲與士

特牲皆不言牢也按曲禮外事以剛日內事以柔日內事謂冠祭祀之屬外事謂征伐巡守之屬甲丙戊庚壬皆為剛日乙丁辛癸皆為柔日必先讓日明日乃筮者舉事尚且不可今日則筮亦不可也云下句之巳上句之巳據用巳一日而言若用丁則言丁來月土句不用中句下句者吉事先近日故也

**主人朝服西面于門東**  
朝服亦祭服也○疏曰主人西面于門東者此為將筮故西面也若下文為期于門外主人門東南面注云主人不西面者大夫尊于諸官有君也主人必朝服者為祭而筮還服祭服上篇特牲筮日服祭服之也端即天子諸侯為祭上筮亦當服祭服之冕服司服云其先則衾冕祭義云易抱地南面天子衾冕是也若為他事上筮則于此冠皮弁衣素

**史朝服左執筮右抽上韉兼與筮執之東面**  
積百王同之也

命于主人主人曰孝孫某來日丁亥用薦歲事于皇祖伯某

**妃配某氏尚饗**  
史主筮事者丁不必亥舉一日言之耳薦進也歲時之祭事也伯某某字也若仲叔季亦曰仲某

叔某季某也以猶與也某妃配猶言其妻某氏若言姜氏于氏也餘詳特牲○注曰丁不必亥也夫戴禮禘于大廟禮曰不得下

則已亥若辛亥亦用之無則苟有亥焉可也伯某字也大夫或以  
字為諡魯無駘卒請諡與氏公命以字為展氏是也某妃某妾也  
合食日配疏曰史家臣主筮事者雜記大夫士筮史練冠長衣是  
也日有十辰有十二辰以五剛日配六陽辰以五柔日配六陰辰若  
甲子乙丑至壬戌癸亥之類是也柔日不必丁亥經云丁亥者各  
日不能具載舉一日以丁當亥者而言也禘于大廟以下大戴禮  
文若上旬之內不得丁若己以配亥故苟有亥即用之又或無亥  
以配日則餘陰辰亦可用春秋宣八年經書辛巳有事于太廟來  
二年經書八月丁卯大事于太廟昭十五年經書二月癸酉有事  
于武宮桓十四年乙巳嘗皆陰陽式法亥為天倉祭祀求福宜  
孫于田故先取亥無亥乃用餘辰也經云伯某是正祭之稱也若  
時有告請及非常祭則去伯直稱字聘禮賜客奠餼一尸若  
昭若程稱考孫某薦嘉禮于皇祖某甫士虞記云適爾皇祖某  
皆是也若卿大夫無諡祭與非祭皆字在子上下稱某子士祭禮同  
特牲禮博皇考某子聘禮記云皇考某子是也恩按伯某合為  
字若如注某言諡則當言某伯如武伯文仲莊叔成季之類不  
伯某氏注義亦未盡如言合食日配則以字當為用字之解而其  
文當云以某妃某氏配不得言以某妃配某氏云以某妃配某  
者妃配二字連文妻有敵體之義故云某妃配而以字訓為

少半

卷十七

三

則配食之義固具其中矣至妻而云某注亦未發其義程子嘗言  
主祭是繼妻所出則以繼妻配可也朱子廣其義曰主祭是繼出  
則可兼以繼配非謂合正而配以繼也今以繼妻之子之義參之  
蓋妻云某者無繼則止言正妻有繼則兼言繼妻與達禮者詳之

史曰諸西面于門西抽下鞶左執筮右兼執鞶以擊筮遂述命曰

假爾大筮有常孝孫某來日丁亥用薦歲事于皇祖伯某以其妃

配某氏尚饗述命以主人之辭告筮也假借也借著靈以問吉凶

易曰著之德圓而神筮曰純筮擊筮之筮皆謂著也以其用著為  
筮因各為筮也兼執鞶者上文用右手抽上鞶此又用右手抽下  
鞶是兼執之也引易曰著之德圓而神者著形圓而可以立變化  
之數故也遂述命者史既受主人命乃右還向闕外西面述其命  
辭也此命筮與述命同一辭而士喪禮上葬日不述命若述命即  
與命龜異辭者注云龜重威儀多筮輕威儀少也有常者吉凶之  
占筮若應自告吉應吉告凶則不常而龜之  
絲辭以占龜易之又辭以占著則皆有常也乃釋鞶立筮卦者在

左坐卦以木釋放也上木以畫卦下木以書卦卒筮乃書卦于木

注曰卿大夫之著長五尺立筮便

示主人乃退。見特性。占吉則史賴筮。賴筮收筮于賴也。特姓亦富然。史兼筮與賴以

告于主人占曰從。疏曰主人本以求吉今筮而得吉是從主人也。乃官戒宗人命滌宰命

為酒乃退。注曰戒者戒諸官使具其物且齋也。若不吉則及違日又誓如初。及其日乃誓也。

右筮曰

宿。此宿通謂宿諸官也。前宿一日宿戒尸。注曰宿諸官先宿尸者重尸又為將筮尸也。疏曰諸官惟一宿尸有

再宿故云重尸也。並言宿戒者前十日曰戒前宿一日曰宿戒若單言戒嫌同十日若單言宿嫌同一日故宿戒並言也。

右宿戒曰

明日朝筮尸如筮日之禮命曰孝孫某來日丁亥用薦歲事于皇

祖伯某以某妃配某氏以某之某為尸尚饗筮卦占如初。上不言卦占此

言卦占如初互文也則上不嫌闕文矣。○注曰不前期三日筮尸者大夫下人君祭之朝乃視濯與士異也。疏曰特注云某之某

字尸父而名尸也。按曲禮父在不為尸。注云為其失子道也。然則凡為尸者，父皆沒矣。父沒當諱其名，故上某是尸之父之字。下某是尸之名，父不稱名是尊鬼神也。特牲禮云前祭三日，筮尸。此前一曰筮尸者，王侯前十日，十日得吉，則戒諸官散齋。至前三日，上尸得吉，又戒宿。諸官致齋，所謂散齋七日，致齋三日也。士，弁不嫌得與人君同。三日筮尸，致齋，但不散齋七日耳。大夫尊，嫌與人君同。直散齋九日，前祭一日，筮尸，并宿。諸官致齋也。大夫祭之朝，乃視濯與士異者，人君祭前一日，視濯，士，弁不嫌與君同。大夫尊，不敢與君同，故與士異也。與士異亦是人君互文為義也。吉則乃遂宿尸祝擯。注曰：筮吉，又宿擯者，尸神象也。既宿尸，乃宿諸官及執事。疏曰：前筮尸，皆主人出命。此宿尸使祝擯者，以尸是神象故也。按特牲，使宗人擯，隨祝致命。此惟祝擯者，士，弁不嫌，兩有宗祝與人君同。大夫尊，下人君故闕之。又此尸不言出門而位，按特牲，主人宿尸，門外北面，尸出門左，西面。注云：士，尸，鬼，不敢南面，當尊也。則主人再拜稽首，祝告曰：大夫之尸尊，尸出門南面，不在門西也。

孝孫某來日丁亥，用薦，蒞事于皇祖伯某，以某妃配某氏，敢宿。

再拜

稽首，將告尸

以事尊之也。尸拜許諾，主人又再拜，稽首，主人退，尸送揖，不拜。

再拜

拜稽首彌尊之也尸但拜送又但揖者尸尊也疏曰凡賓主之禮賓去主人皆拜送今尸揖不拜者尊故也若不吉則遂改筮尸

### 右筮宿尸

既宿尸反為期于廟門之外主人門東南面宗人朝服北面曰請

祭期主人曰比于子

比亂志反○注曰為期亦夕時也既宿尸反即為期而不見宿賓之文者大夫尊親宿尸

而已其宿賓則使人宿之故也主人不西面者大夫尊于諸官有君道也其次也次早晏在于子也疏曰特牲云厥明夕陳鼎于門外又云請期曰美任其請期是夕時則此大夫禮為期亦夕時也大夫尊于諸官有君道對特牲饋食禮士與其于屬更無君道而

也宗人曰旦明行事主人曰諾乃退

旦明猶言質明也

### 右請祭期

明日主人朝服即位于席門之外東方南面宰宗人西面北上

宗



人監諸牲北面東上司馬判宰司士擊豕宗人告備乃退到苦圭反○注

曰對擊皆謂殺之也既省告備乃殺之文互者省文也疏曰按特牲視牲與視殺別且今少牢不言布視牲直合言判若擊末更約

言告備乃退者皆省文也又祭義君率牲穆答君卿大夫序從既入門麗于碑卿大夫祖而毛牛尚耳彼諸侯禮殺于門內此大夫

少牢與士特牲皆殺于門外者辟人君也判若擊皆謂殺之者豕言擊動之使鳴耳是視牲也牢言判則殺之矣故云文互者省文也

也思按周禮宿視牲至祭旦而後視殺者君體尊故以兩日行之也士與于君無嫌得與君同兩日而大夫近君有嫌則避君而不

得與君之兩日者同矣歷考諸禮皆然而記禮器所謂順而據者蓋如此注疏但言省文互文非也學者詳之雍人概鼎

匕俎于雍爨雍爨在門東南北上廩人概甑匕與敦于廩爨廩

爨在雍爨之北雍爨同似音爨廩音彥敦音對○周禮雍人掌割

統于主人也北上者羊豕魚腊皆有爨以北為上也凡概者皆先陳之而後告潔也廩人掌米入之藏甑甑以烝黍稷匕以匕之也

餘見特牲○注曰甑如甑一孔疏曰按攷工記陶人職甑實二甗厚半寸脣寸慨實二甗厚半寸脣寸七筭注云甑無底甑也故注

以一孔解之上雍人匕以司宮擬豆籩勺爵觚觶几洗篚于東堂

匕自此廩人匕以匕黍稷注曰司宮兼掌祭器大夫攝官故也疏曰按

下勺爵觚觶于篚持也宗人升自西階視壺濯及豆籩反降東

北而皆濯具注云不言滌以有几席也几席不擬也則几洗篚三

者不擬而非言擬者以其同列于東堂下故擬觚觶連言之也按

下文司宮自進神席于與而此又掌豆籩等故云攝實按內則注

云諸侯對天子則天子對六卿不兼而諸侯止三卿則兼大夫對

諸侯則諸侯具官不擬而大夫不具官乃攝也愚按擬通作泚滌

也一日拭也几席等雖不滌亦自拂拭致潔疏謂几洗篚三者

不概其卒概俛豆籩與篚于房中放于西方注曰放猶依也設洗于阼階

東南當東榮見右視殺豷視概

奠定雍人陳鼎五三鼎在羊鑊之西二鼎在豕鑊之西注曰各在

其西者魚膳從羊膺從豕統于牲也疏曰上文概鼎注云羊豕魚膳皆有甕

甕各有錢今陳鼎宜各當其鑊而三鼎在羊鑊之西二鼎在豕鑊

之西者是魚腊從羊府從豕也上文直言雍爨此直言羊饔不饔何知魚腊皆有饔有饔按士虞禮則享于廟門外之右魚腊爨在其南有饔即有饔士禮皆

有饔饔則大夫可知也司馬升羊右肱髀不升肩臂臑臑正脊一脰脊一橫脊一短脊一正脊一代脊一皆二骨以並腸三胃

三舉肺一祭肺三實于一鼎

肱音判今文並皆為併○升猶上也上右肱周所貴也髀不升近於腹也

肩臂臑皆肱骨膊骨皆股骨脊從前為正脊旁中為正脊先其前脊先其後屈而反猶器之轉也並併也脊脊骨多六體各取二骨併之以多為貴也舉肺一尸食所先舉也祭肺三為尸若主人主婦也疏曰十一體之中五體不言一而六體言一者以其體下言皆二骨以並見一體皆有二骨而二骨共為一體也脊先前即正脊是也脊先後即短脊是也特牲記尸俎有正脊橫脊而無脰脊有長脊短脊而無代脊注云脊無中脊無前肢也明代脊最在前也脊以前為正其次名脰却後名橫脰者脰脰然直也橫者濶于脰也凡皆隨形名之唯言正者以義取稱也注言脰者專指脊脊不數肩胛也若尸舉牲之全體則肩胛為脰故特牲注云舉先正脊後肩胛自上而卻下脰而前終始之次也凡脰則不見尊卑見尊卑復不得見脰按注升以尊卑而此注云脰者牲體四支為

貴故先序肩膊臑膊胙于上，是尊。後序脊脊于下，是卑。但其次應先正脊而先言短脊，乃取禘之義也。祭肺之貴，乃序在下者。腸胃肺在內，不與外體為尊卑之次。當自為先後之次也。肩臂以下，皆言一。其下總言皆二骨，以並者。據脊骨骨多，故六體各取二骨。特牲記肩膊臑胙胙下。歷序脊脊二骨亦此也。司士升豕右肱，髀不升，肩臂臑膊幣。正脊

一庭脊一橫脊一短脊一正脊一代脊一皆二骨以並舉肺一祭

肺三實于一鼎。雍人倫膚九實于一鼎。注曰：豕無腸胃，君子不食。潤腹也。倫，擇也。所，脊革肉。

也。擇之，取其美也。疏曰：君子不食潤腹。禮記少儀文潤黍同。彼注云：肥有似于人，缺樂記注云：殺食犬豕曰黍，是以似也。知脊革肉者，下文云膚九而乳亦橫載。革，故知府是脊革肉也。愚按：倫，倫理也。以脊革肉有倫理而名。局人貴骨，近脊骨故用之。其脊下膚俗稱軟體，不近骨骨不也。注疏謂倫為擇取之義，知非。司士又升魚脂，魚十有五而鼎，腊一

純而鼎，腊用麋。注曰：工又升魚腊，謂副俸也。合升左右肱曰純。純猶余也。疏曰：云副俸者，見此司士升魚腊與上

司士升豕者，別也。按下云：司士三人升魚腊，膚則此升豕魚腊亦宜。三人又凡升鼎，宜同時。明升魚腊，非升豕者，可知。夏官諸子職

華園子之倅注云是公卿大夫之倅則此云倅亦副之別名也 卒晉皆設榻幕乃舉陳鼎于廣

門之外東方北面上香之承反暴音審○注曰北面北上鄉內相隨也 司宮尊兩甒于

房戶之間同櫛皆有罍甒音武○注曰房戶之間者房西室戶東也櫛者禁無足也禁

者酒戒也大夫去足改各松優尊者若不為之戒然疏曰特牲用

爵仍云禁此改各曰松若不為戒是優尊者其鄉飲酒是大夫禮

酒異于祭祀也 司宮設罍水于洗東有枓設篚于洗西南肆枓音

注曰枓對水罍也凡設水用罍沃盥用枓疏曰設水用罍沃盥用枓言凡者總儀禮內凡用水者皆須罍盛之凡沃盥水者皆用枓

為之也士冠禮士昏禮皆直言水在洗東鄉飲酒特牲記亦云然皆不言罍器亦不言有枓共燕禮大射云罍水亦不言有枓也故

注總云凡以見其餘文不具也 改饌豆籩于房中南面如饋之設實豆籩之實注曰

改更也為實之而更之威儀多也如饋之設如其陳之左右而說

東南也疏曰前司宮概豆籩說饌豆籩放于西方今欲實之乃更設豆籩于房中南面如饋之禮東面設然也此大夫禮威儀多若特牲士禮視濯時豆籩到在東房至實豆籩時直云豆籩到陳于

房中如初云如初者取而實之既而反之不改其處因而實之矣是士禮威儀畧也小祝設槃匱與篚巾于西階東周禮小祝大祝之屬也○注曰設者為尸將盥也疏曰按特牲禮直云尸盥匱水實于槃中篚巾在門內之右不言其人未聞也知彼非祝者彼下文始言祝筵几于室中注云至此使祝接神則前非祝可知也

### 右實鼎豆籩

主人朝服卽位于阼階東西面為將祭也司宮筵于輿祝設几于筵上

右之注曰筵几者陳神坐也室中西南隅謂之輿席東西近南為右疏曰按特牲祝筵几則此使司宮設筵者大夫禮異于士也司宮設席祝設几大夫官多故也主人出迎鼎除鼎士盥奉鼎主人先入注曰先入道之

也主人不盥不舉故也疏曰此對特牲士禮主人及賓盥衆而言也大夫尊不舉故不盥司官取二勺于篚洗

之兼執以升乃啟二尊之蓋罍奠于楹上加二勺于尊覆之南栴

注曰二尊兩罍也疏曰二尊卽上司宮尊兩篚于房戶之間是也兩尊用二勺者玄酒雖有不酌重古禮如酌者然也鼎序

入雍正執一匕以從雍府執四匕以從司士合執二俎以從司士

贊者二人皆合執二俎以相從入相去聲○相助也注詳下篇陳鼎于東方嘗

序南于洗西皆西面北上膚為下匕皆加于鼎東枋枋彼命反○注曰膚為下

以其加也南于洗西陳于洗西南也疏曰門外陳鼎不言膚為下

至此別之者膚者豕之實前陳鼎在門外據鼎所陳膚在魚上今

將載于俎設之最在後故須別之也羊無別俎而豕有膚俎故謂

之加而以加為下洗當東榮近東也其陳鼎當東序則近西也

而言南于洗西則鼎陳于洗西俎皆設于鼎西西肆所俎在羊

稍近南不得東西與洗相當也所音祈○俎皆設鼎西詳見下篇○注曰所俎在北

之北亦西肆將先載也異其設不當鼎也疏曰羊俎在羊鼎西今

設所俎在羊俎北不繼鼎明不當鼎也若繼鼎即在鼎西矣宗人遺賓就主人皆盥于洗長杙

長丁丈反○長賓長也長賓先杙次賓繼之主人不杙而言就主人者明親臨之也佐食上利升牢心舌載

于所俎心皆安下切上午割勿沒其載于所俎末在上舌皆切本

末亦午割勿沒其載于所橫之皆如初為之于爨也注曰牢謂羊豕也安平也

不割其下于載便也凡割本末食必正也午割使可絕也勿沒為

其散也所之言敬所以敬尸也周禮祭尙肺事尸尙心舌今文切

皆為刊疏曰云皆者羊豕皆有舌也按特牲記云所俎心舌皆

去本末午割之質于牲鼎載心立舌縮俎凡初爨未入鼎之時已

然雖出爨亦皆如初也孔子割不正不食鄉黨篇文所之言敬以

敬尸也郊特牲文禮記明堂位云虞祭首夏祭心殷祭肝周祭肺

而此所俎不取肺而用心者特牲記注云心舌知食味欲尸饗此

祭是以進之也愚按周雖尙肺而心舌亦所重故進之特牲記注

之解何陋耶二者體味異不雜亂未升鼎時已午割勿

沒至載俎乃言者蓋因言其上下縱橫而補其文耳 佐食遷肺

俎于阼階西西縮乃反西云縮謂橫也凡東西為橫南北為縱 佐食二人上利升羊

載右胖體不升肩胛膈膊骼正脊一脰脊一橫脊一短脊一正脊

一代脊一皆二骨以並腸三胃三長皆及俎拒舉肺一長終肺祭

肺三皆切肩胛膈膊骼在兩端脊脊肺肩在上實鼎曰升實俎曰載今實俎合言載



亦言升者散文通也。○注曰拒讀如左傳邱氏金距之距。祖距，歷中當橫節也。凡牲體之數及載備于此矣。疏曰：經所載羊豕牲體多少，一依上章升鼎不異，而重序各體者，恐載祖與入鼎有異，故重序之也。舉肺一，祭肺三，升鼎時亦已言之，但入鼎時恐二肺雜亂未及制，故不言長短至此。祖乃制長短及切之矣，故具辨之也。按明堂位云：俎有虞氏以椀，夏后氏以俎，殷以棋，周以房。注云：椀，斷木為四足而已。炭之言聲也。謂中足為橫距之象。周禮謂之距，彼注云：周禮謂之距者，即指此祖距而言。是距為祖足中央橫者也。故言歷中當橫節也。按此前體有臂臑兩廂為六，後體臑臑兩廂為四，短脊正脊代脊兩廂為六，脊有三，總十九體。通二殼為二十一體，而二殼正祭不薦于神，尸故不言。是牲體之數備于此也。上云升于鼎，此云載于俎，是又載備于此也。愚按五者在兩端，明脊脊在兩端之中也。而此五者，下利升豕，其載如羊，無腸胃體，但不肩又在兩端之上，故明之。

下利升豕，其載如羊，無腸胃體。但不胃為異耳。其載于俎皆進下。下末也。此總言羊豕也。○注曰：鄉飲餘皆同也。其載于俎皆進下。酒進腠，此進下者，變于食生也。檀弓云：交于神明，不敢以食道破之。至也。羊次其體，而豕言進下，互相見也。疏曰：按公食大夫鄉飲酒，牲體皆進腠，為本是食生人之法。此進下，下為終，是食鬼神之法也。云羊次其體，即上文上利升羊以下也。羊次其體，亦進下豕進下亦次其體，是互相見也。愚按

二句本總言羊豕也注疏司士三人升魚腊膚魚用鮓十有五而

單作言豕故有互見之說鮓音附縮也干神與人為橫于組為縮也

組縮載右首進腴右西也注曰進腴亦變于食生也有司徹載

魚橫之少儀云羞蒲魚者進尾疏曰云進腴變于食生者凡載魚

為生人右首而進鮓為鬼神右首而進腴腴為腹是氣之所聚鬼

神尚氣此文魚十五而組縮載右首進腴是也鮓為脊是味之所

鍾生人尚味公食大夫魚七縮組寢右注云寢右進鮓也是也首

皆右者陳設在地地道尊右也又引有司徹載魚橫之少儀義儒

魚進尾者見儀尸與正祭禮又異也此是土正祭之禮縮載于組

故進腴若有司徹是上大夫緹祭儀尸之禮乾魚橫于組宜進首

若少儀又王諸侯緹祭儀尸之禮乾魚皆右乾魚宜進首鮮魚宜

進尾也腊一純而組亦進下肩在上亦進下如羊豕也注曰凡腊

也腊文無升載之法唯此自之膚九而組亦橫載革順橫載亦如心舌革順者列

曰上牲豈備載文不明故舉膚亦橫載以明

### 右舉鼎七載

之懸按膚橫承心舌橫之故言亦疏說非是

卒晉祝盥于洗升自西階主人盥升自阼階祝先入南面主人從

戶內西面

升入面位將納祭也

主婦被錫衣侈袂薦自東房韭菹醢醢坐奠

于筵前主婦贊者一人亦被錫衣侈袂執葵菹羸醢以授主婦主

婦不興遂受陪設于東韭菹在南葵菹在北主婦興入于房

被錫

髮蓋別髮者之髮以被婦人之紒為飾因各髮髮此周禮所謂次則與士妻繼笄殊也傳者蓋半士妻之袂以益之袂三尺三寸亦豐大夫禮也非菹南葵菹北淨次之也疏曰贊者一人被錫侈袂與主婦同則其餘不得如主婦者富與士妻同繼笄紒衣也凡婦服皆繼笄紒衣以下更無服服窮則同故特牲云凡婦人助祭者同服是也被錫請為髮鬢者見鬢取人髮為之之義哀公十七年左傳南莊公登城望我州見已氏之妻髮美使髡之以為呂姜鬢是也按周禮追師掌王后以下副編次之事服三翟者首服副服鞠衣禮衣者首服編服祿衣者首服次此大夫妻尊髮鬢而不繼鬢若特牲禮主婦繼鬢士妻卑故也又如特牲士妻衣紒衣其袂二尺二寸紒尺二寸此亦大夫妻尊故三分益一袂三尺三寸

而祛尺八寸也。周禮：醢人職，韭菹醢醢，昌本麋齏，菁菹鹿菹，苾菹。麋齏爲天子朝事之八豆，今大夫取二豆爲饋食用之，是豐大夫若葵菹，藜醢，天子饋食中之二豆，今大夫取二豆用之，饋食用當其節，非豐也。韭菹在而醢醢在北，今于其東，葵菹在北而高醢在南是醢次之矣。佐食上利執羊俎，下利執豕俎，司士三人執魚腊膚俎，序

升自西階相從入，設俎。羊在豆東，豕亞其北，魚在羊東，腊在豕東。

特膚當俎北端。相卽上章司士贊者二人主婦自東房執一金敦，黍有蓋坐設。

于羊俎之南，婦贊者執敦，稷以授主婦，主婦興受，坐設于魚俎南。

又興受贊者敦，黍坐設于稷南，又興受贊者敦，稷坐設于黍南，敦

皆南首，主婦興入于房。注曰敦有首者器飾也，飾蓋象龜，周禮飾

入于房疏曰：經云敦南首，明象龜，然之形知象龜者，以蓋形龜象

尚也。按周禮梓人職：外骨內骨以脰鳴者，以胃鳴者之類。注云刻

畫祭器，博庶物也。司尊奠職：又有雞彝，鳥彝之類，是周禮飾器各

以其類也。明堂位云：有虞氏之兩敦，夏后氏之四璫，殷之六瑚，周

之人奠周禮舍人注云圓有蓋孝經注云外方曰筮孝  
經緝鈎命決云敦規首上下圓相連重蓋上圓下方 祝酌奠遂

命佐食啟會佐食啟會蓋二以重設于敦南 會音怪重平聲下同  
○酌奠者酌酒為神

奠之也後酌者酒尊要其成也特牲饋食禮祝洗酌奠奠于訓南

是也二以重累之也疏曰迎尸之前將為陰厭故云為神奠之酒

為尊者設饌由尊者成故後設之也二以重 主人西面祝在左主

者黍稷各二各當重累于敦南卻合之也 人再拜稽首祝祝曰孝孫某敢用柔毛剛鬣嘉薦普淥用薦歲事

于皇祖伯某以某妃配某氏尚饗主人又再拜稽首 祝曰之祝之

反淥女孝反○注曰羊曰柔毛豕曰剛鬣嘉薦謂蒲醢 又反鬣力較

稷普大淥和也德能大和乃茂黍稷春秋傳黍盛以告曰潔菜豈

盛謂其三時不害而民和平豐也是也疏曰羊曰柔毛豕曰剛鬣

曲禮文羊肥則毛柔豕肥則鬣剛也引春秋傳証黍稷大和之義

左桓六年臚大 夫李梁辭也

右升奠陰厭

祝出迎尸于廟門之外主人降立于阼階東西面祝先入門右尸

入門左

注曰主人不出迎尸仲尊也特牲饋食禮尸入主人及賓皆避位出亦如之祝入門右者避尸也既則後尸疏曰

禮記云君迎牲而不迎尸別嫌也尸在廟門外則疑于臣在廟中則全于君故主人皆不出迎尸以仲尊也尸出入主人與賓皆送

巡降送敬尸也祝先入既則後尸者下文祝延尸尸升自西階入祝從注云由後詔相之曰延是也宗人奉槃東面

于庭南一宗人奉匱水西面于槃東一宗人奉篋巾南面于槃北

乃沃尸盥于槃上卒盥坐奠篋取巾興振之三以授尸巾

奉芳勇反○注

曰奠南設雷也疏曰庭近南設雷門之屋雷近門而盥也特牲云尸入門北面盥即此也祝延尸尸升自西階

入祝從主人升自阼階祝先入主人從

注曰由後詔相之曰延延進也即周禮大祝相尸禮

也祝從者從尸升自西階也先主人以入者將接神也疏曰由後詔相曰延者周禮大祝相尸禮注云延其出入詔其坐作是也

尸升筵祝主人西面立于尸內祝在左祝主人皆拜毋尸尸不言

尸答拜遂坐祝反南面拜安尸者拜之使安坐也。○注曰主人由

席乃卻居主人左也答拜遂坐明其間不啐奠不嘗餽不告旨大

夫之禮尸彌尊也祝反未有事也疏曰上文祝在尸後主人前及

尸即筵主人與祝皆西面則祝卻居主人左者主人尊故也按特

牲尸啐酒告旨主人拜尸答拜祭餽嘗之告旨乃坐此云答拜遂

坐以其間不啐奠不嘗餽不告旨也特牲嘗餽謂嘗豕餽此亦謂

不當豕餽以下文別云嘗羊餽也既不啐奠故不告旨為初不饗

也特牲禮主人拜安尸尸答拜執奠祝齊注云饗勸強之也士賤

不嫌得與人君同大夫尊嫌同人君故初不饗後亦不啐奠告旨

### 右迎尸安坐

尸取韭菹辨煠于三豆祭于豆間煠如悅反劉氏而誰反。○三豆

也祭上佐食取黍稷于四敦下佐食取牢一切肺于俎以授上佐食

也上佐食兼與黍以授尸尸同受祭于豆祭牢一切肺兼謂羊豕切

也上佐食兼與黍以授尸尸同受祭于豆祭肺各一也此位食逆舉

以授祭而尸同  
祭也注疏見下  
上佐食舉尸牢肺正脊以授尸上佐食爾上敦黍

于筵上右之  
重言上佐食明非上下代也凡言牢皆兼謂羊豕也此又速舉以授食也○注曰黍稷之祭為墜祭將食

神餘尊而祭之也爾之言近移而近之也右之者尸在右便尸食也疏曰肺與黍稷俱得為墜周禮守祫職既祭則藏其墜墜中兼

肺與黍稷可知除厥是神食尸乃餽神之餘故尸亦尊神而祭之也曲禮云飯黍毋以箸羞古者飯食不用匙箸故移于爾以便食

也不云稷者主人羞所俎升自阼階置于膚北獨此主人羞之者文不具也

敬且以備所加也上佐食羞兩俎取一羊俎于房中坐設于韭菹之南下

佐食又取一豕俎于房中以從上佐食受坐設于羊俎之南皆芼

皆有柶芼音帽柶音四扱初洽反○此又佐食送舉以祭與食也○注曰菹進肌敬也親進之者敬君之加也芼菜也羊用

若豕用薇疏曰郊特牲訓所為敬故云敬以所俎為尸特加故云加也特牲三俎膚從豕俎故所居在腊北此五俎膚自為一俎故所

在膚北也菜是地之芼羊用菹豕用薇公食大夫記云銅芼牛菹羊若豕薇皆有滷是也尸扱以柶祭羊俎

大夫記云銅芼牛菹羊若豕薇皆有滷是也

尸扱以柶祭羊俎



以祭家餽嘗牢餽食舉三飯

此尸祭且食始三飯也。注曰舉嘗

飯食以黍也。疏曰此食舉在羞所之下。特牲食舉在羞所之上。不

同者特牲食舉後尸即饗幹之屬故食舉乃即進所是正也。此食

舉在羞所之下由主人敬尸故先羞所也。特牲爾敦下設大羹此

不言羹者大羹不為神直是為尸故此不言羹至饋尸乃言羹也。

知舉為牢肺正脊者上文上佐食舉尸牢肺正脊以授尸明今食

舉是上牢肺正脊也先食啗之以為道者特牲舉肺脊注云肺氣

之主也脊體之貴也先食啗之以道氣通氣也是也。上佐食舉尸牢幹尸受振祭濟之佐食

受加于所。疏曰上文食舉是先正脊故此食幹亦先正脊特牲食

幹注為長竹者彼記序九體有長竹無代骨。注云脊無中脊無前貶于尊也故注各異也。上佐食羞馘兩瓦豆

有醢亦用瓦豆設于薦豆之北尸又食食馘。又食之食謂飯也此

飯也。注曰設于薦豆之北以其加也。四豆亦淨羊馘在南豕馘

在北無臚臠者尚牲不尚餘味也。大名曰食小數曰飯疏曰特牲

故有豕臠此少牢二牲故不尚餘味而無臚臠也。論語文多言上

食食大名也少牢特牲言三飯五飯九飯之類皆據小數而言

佐食舉尸一魚尸受振祭臚之佐食受加于所橫之又食此舉以祭且

而又一飯也○注曰魚橫之者異于肉也疏曰內在組橫魚在組橫其在所則魚雖本縮今則橫矣肉但言加于所不云縮則與本

組同橫可知故云異于肉也 上佐食舉尸腊肩尸受振祭臚之上佐食受加于

所又食此舉以祭且時而又一飯也○注曰腊魚皆止一舉者少

舉者崇威儀也疏曰特牲禮三舉舉魚以牲少故也此少牢二牲禮是可見故謂魚一舉以豕之腊如牲骨但舉一肩者肩尊以為

終也特牲云尸三飯佐食舉臘魚一亦如之尸又三飯舉腊及獸若魚別舉故云舉其儀也 上佐食舉尸牢幣如初又食尸告飽如初如舉

此又舉以祭臚而又一飯也 祝西南向于主人之南獨侑不拜侑曰皇尸未實侑

尸又食此說侑而又一飯也○注曰不舉者卿大夫之禮不通

祝既侑復反前侑故下文更言祝西南也疏曰五舉者舉牢肺也也舉牢幹二也舉一魚三也舉腊肩四也又舉牢膚五也特牲

少牢 卷之九 三

九飯三侑皆祝主人共侑而不更互以侑此大夫禮也  
使祝獨侑而與主人互更也周禮大祝享侑注云侑者助也  
拜也則士三飯即告飽而侑大夫七飯告飽而侑  
諸侯九飯告飽而侑天子十一飯告飽而侑也  
人止佐食舉尸生

肩尸受振祭嚼之佐食受加于胛尸不飯告飽  
此又舉以祭且  
而尸不飯也○注

曰四舉牢體始于正脊終于肩尊之也疏曰正脊及肩  
皆體之貴故先舉正脊為食之始後舉肩為食之終  
祝四面于

主人之南主人不言拜侑尸又三飯  
此主人拜侑而尸又三飯也  
○注曰祝不侑又西向于

南者祝常贊主人辭也祝言而不拜主人拜而不言者親疏之宜  
為祝一飯為主人三飯者尊卑之等也凡十一飯下人君也疏曰  
祝言而不拜者親也主

人不言而拜者親也  
上佐食受尸牢肺正脊加于胛  
此禮畢而  
將未加于

胛者終加之也○注曰言受者亦尸授之也尸食肺與脊而實于  
菹豆今食畢以授佐食也疏曰按上文尸既三飯上佐食舉一飯  
舉肺肩舉牢肺尸祭嚼訖佐食受加于胛若其初佐食舉肺正脊

于尸不言置舉之所至此尸十一飯乃言上佐食受尸牢肺正脊  
加于胛者按特牲禮舉肺脊其時尸實舉于菹豆則今尸

食畢乃于菹豆上取而授上佐食上佐食受而加于胛也

右尸正食

主人降洗爵升北面酌酒乃酌尸尸拜受主人拜送尸祭酒碎酒

酌士乃反○注曰酒道羨也既食之又飲之所  
以樂之也疏曰酌取便羨之義故以為樂之也賓長羞牢肝用俎

縮執俎肝亦縮進末鹽在右尸左執爵右兼取肝換于俎鹽振祭

齊之加于菹豆蓋進也鹽在肝右便尸換之也兼者肝兼牢豕也  
疏曰鹽在肝右換質長西面手執而言若至尸前

鹽在尸左尸以右手取  
肝鄉左換之是其便也卒爵主人拜祝受尸爵尸答拜儀詳特牲  
省文也

右主人酌尸

祝酌授尸尸酌主人主人拜受爵尸各拜主人西面奠爵又拜

同○注曰酒以受酢酒而依爵彌尊尸也疏曰尸酌主人使  
祝代酌已足尊尸今主人拜受受說又拜是彌尊尸也上佐食取

四敦黍稷下佐食取半一切肺以授上佐食上佐食以殺祭

左執爵右受佐食坐祭之又祭酒不興遂啐酒

授許規反○注曰綬或作接讀合

將受爵亦尊尸餘而祭之也右受佐食者右手受墮于佐食也此言坐祭者明尸與主人為禮而坐也尸恒坐有事則起主人恒立有事則坐疏曰經中綬是車綬或作接者讀從周禮守祀既葬則葬其墮取墮祓之義下文主人受爵先墮祭是以佐食授黍稷與主人以為墮禮也按禮器云周坐尸曲禮云正如齊注云立如齊謂祭祀之時是祭時尸常坐主人常立也經云坐祭謂墮祭尸餘是主人有事則坐尸答主人拜乃立是尸有事則起也愚按尸常坐之坐謂坐也主人有事則坐之坐謂跪也古者坐與跪相似而實不同祝與二佐食皆出盥于洗入二佐食各取黍于一敦上佐食兼受搗之以授尸尸執以命祝

搗大官反○注曰命祝命以飯辭也疏曰謂命祝使出飯辭以飯手

主人如卒命祝祝受以東北回于尸西以飯于主人曰皇尸命正

祝承致多福無疆于女孝孫來女孝孫使女受祿于天宜稼于田

有壽萬年勿替引之

女汝同○注曰飯大也于主人以大福也正官也承猶傳也來讀曰蕭猶賜也耕種曰稼

替廢引長也言無廢替而長如是也古文報為格疏曰云報為大者郊特牲云報長也大也是也特牲尸親報此尸使祝報者大夫尸尊故也特牲無報文不具也愚按來注讀為齎猶賜也則來與齎字之義畧同但味上文致字下文使字皆賜齎之義不應又訓來為賜齎文義複叠至此今按來字當讀如字蓋命之來而使受之也此于上下文義並相足又何事轉變音讀而反失其義乎

主人坐奠爵典再拜稽首典受黍坐振祭濟之詩懷之實于左秋挂于季指執爵以典坐卒爵執爵以典坐奠爵拜尸答拜執爵以典出宰夫以饗受奇黍主人嘗之納諸內

挂音卦○注曰出出尸復嘗之者重之至也納猶入也疏曰云出為出尸者以主人位在尸內故也此宰夫以饗受奇乃大夫之禮若特牲士禮則主人出寫奇于房祝以饗受與大夫異也按春官鬯人云大祭祀與量人受舉罍之卒爵而飲之注云罍即受福之報聲之誤也少牢饋食禮主人受報卒爵執爵以出宰夫以饗受奇黍主人嘗之乃還報祝此王醴尸尸報王鬯人受王之卒爵亦畧如之是王受報與饋食同也按楚茨詩既齊既稷既匡既敷注云報之禮祝徧取黍稷牛肉魚糝于醴以授尸孝孫就尸前以受天子則使宰夫受之

曾祝乃釋椒辭以救之是天子椒辭與大夫同也前嚼之是日  
今復言嘗是重受福之至也特牲不言復嘗者文不具也燕饗飲  
食之事膳宰掌之若宰夫掌飲食之事周禮並無文蓋經宰夫即  
指周禮之膳宰此注疏因以膳宰職釋之與魯人楚茨之訓與經  
義全不符蓋漢儒之附會如此

### 右戶醋設主人

主人獻祝設席南面祝拜于席上坐受主人西面答拜

注曰拜于席上室中

迎獲也主人不言拜送下于尸也疏曰上主人酌尸尸拜受主人拜送今主人獻祝祝拜受主人但答拜而不拜送拜送禮重答拜禮輕故云  
薦兩豆菹醢佐食設俎牢醪橫脊一俎齊一腸一胃一

膚三魚一橫之腊兩醢屬于尻

屬音燭尻苦刀反○薦者主婦薦也詳見特牲獻祝○注曰菹葵蕒

醢醢醢也皆升下體祝賤也魚橫者四物共俎殊之也腊兩醢屬于尻尤賤不殊也疏曰上注云韭菹醢朝事之豆也而饋食用之豐大夫禮也葵菹醢醢饋食之豆也當饋食之節故不言豐饋祝用之亦然故知用葵菹醢醢也俎與短脊橫脊皆羊豕之體

屬于尻又腊之下體皆為祝賤故也魚在俎縮載今橫者為羊豕  
魚腊四物共俎今橫而殊之也羊豕體不屬于尻而殊腊兩體屬  
于尻而不殊 祝取菹揆于醢祭于豆間祝祭俎祭酒啐酒注曰大  
是尤賤也 祝取菹揆于醢祭于豆間祝祭俎祭酒啐酒夫禮祝  
俎無肺祭用膋遠下尸也不嘖之膋不盛也疏曰按特牲尸俎有  
祭肺離肺祝俎有離肺無祭肺已是下尸今大夫尸俎二肺皆有  
祝則二肺俱無是遠下尸也凡肺則嘖膋 肝牢從祝取肝揆于醢  
皆不嘖獨于此嘖之者以其膋替肺故也 肝牢從祝取肝揆于醢  
振祭嘖之不興加于俎卒爵興注曰卒爵興亦如佐食授爵乃興  
知授爵乃興者按下文主婦獻祝祝卒爵坐授主婦爵又獻二佐  
食二佐食卒爵坐授主婦爵皆是也特牲祝卒角拜主人答拜者  
士與故不賤祝此祝不拜者大夫尊故賤祝也

### 右主人獻祝

主人酌獻上佐食上佐食尸內牖東北面拜坐受爵主人西面答  
拜位面與佐食祭酒卒爵拜坐授爵興俎設于兩階之間其俎亦  
祝殊也



一膚教氏云拜字衍○注曰不啐而卒爵者大夫之佐食賤禮畧也設于階間佐食不得成禮于室中也折者擇取牢正體餘

骨折分用之耳有脊而無薦亦遠下尸也疏曰特牲士之佐食亦啐此大夫佐食賤故禮畧也有脊即經祖實是也無薦謂無道醴

也既無肺已是下尸又無薦是遠下尸也主人又獻下佐食亦如之其脊亦設于階間

西上亦折一膚注曰上佐食既獻則出就其俎特牲記云佐食無事則中庭北面此也

### 右主人獻佐食

有司贊者取爵于篚以升授主婦贊者于房尸婦贊者受以授主

婦注曰取爵于篚者男女爵不相襲特牲禮位食卒角主人受角降反于篚是也疏曰按內則非祭非喪不相授器其相授則女

受以篚其無篚則皆坐奠之而後取之禮雖不言受以篚及奠于地其意則同也又按特牲佐食卒角主人受角降反于篚升入復

位訖主婦乃洗爵于房酌亞主婦洗于房中出酌入尸西面拜獻

尸尸拜受主婦主人之北西面拜送爵注曰洗于房中者昏禮婦在北堂直室東隅是也入

尸西面拜由便也不北面者避君夫人也拜而獻拜而送者當依拜也拜于主人之北婦人位在內也疏曰按特牲主婦北面拜注云北面拜者辟內子也彼士妻卑不嫌得北面與君夫人同若大夫妻尊內子則宜辟君夫人也尸祭酒卒爵主

婦拜祝受尸爵尸答拜儀不詳者特牲禮備矣

右主婦亞獻尸

自此主婦獻尸獻祝佐食及賓長獻尸獻祝凡薦從之屬祝特牲禮及畧蓋以待牲不饋尸而

此有饋尸禮故與

易爵洗酌授尸主婦拜受爵尸答拜

祝出易爵亦男女不同爵也

上佐食綏祭

主婦西面于主人之北受祭祭之其綏祭如主人之禮不報卒爵

拜尸答拜

注曰不報者夫婦一體也

右尸酢主婦

主婦以爵出贊者受易爵于篚以授主婦于房中主婦洗酌獻祝

祝拜坐受爵主婦答拜于主人之北。注曰贊者亦有司贊者也易  
許亦以授婦贊者婦贊者受  
于房戶外入卒爵不興坐授主婦。祝不祭酒省文也○  
注曰不俟拜下尸也

右主婦獻祝

主婦受酌獻上佐食于尸內佐食北面拜坐受爵主婦西面答拜。亦不俟拜也○注曰不言  
祭酒卒爵坐授主婦  
不祭省文明矣

主婦獻下佐食亦如之。上下無  
異也主婦受爵以入于房。爵奠于  
內能也

右主婦獻佐食

賓長洗爵獻于尸尸拜受爵賓尸西北面拜送爵尸祭酒卒爵賓  
拜祝受尸爵尸答拜。義見下尸  
酢賓長章

右賓長獻尸

祝酌授尸賓拜受爵尸拜送爵賓坐奠爵遂拜執爵以興坐祭遂  
飲卒爵執爵以興坐奠爵拜尸答拜亦見下尸  
酌賓長章

### 右尸酌賓長

賓酌獻祝祝拜坐受爵賓北面答拜祝祭酒啐酒奠爵于其筵前  
注曰啐酒而不卒爵祭事畢示醉也不獻佐食將備尸禮殺也疏  
曰特持其賓長獻尸爵止注云待夫婦致亂欲神惠之均于室中  
也此大夫禮有備尸者致爵自在備尸之時故此爵不止也又按  
有司徹上大夫備尸之禮尸作止爵三獻致爵于主人主人不酌  
亦不致爵于主婦若下大夫不備尸之禮賓獻尸止爵主婦致爵  
于主人主人酌主婦而不致爵于主婦若特牲之禮主人與主婦  
交相致爵交酢各不同者此以尊卑為差也上大夫得備尸故其  
致爵辟人君而主人不酌致于主婦下大夫不備尸故酢主婦而  
不致士與不與君同故致爵與酢具也注云不獻佐食將備尸  
禮殺也者祝與佐食俱事神及尸是以主人主婦獻尸并及之今  
將備尸故賓獻祝不及  
佐食是祭末禮殺故也

右賓長獻祝

主人出立于阼階上西面祝出立于西階上東面祝告曰利成

利猶

養也成畢也孝于之養禮畢也祝入尸設主人降立于阼階東西面祝先尸從遂

出于廟門

注曰設起也事尸之禮訖于廟門外疏曰上祝迎尸于席門今禮畢又迎尸于席門按禮記云尸在廟門外則

疑于臣是以據廟門為斷也祝反復位于室中主人亦入于室復位祝命佐食

徹所俎降設于堂下阼階南

注曰徹所俎不出門者將備尸也不云尸俎者未歸尸也疏曰特牲禮佐

食徹尸俎出廟門者歸尸也今將備尸尸更食魚肉當加于所俎故未得即歸尸待備尸訖并後加者歸之也

右尸讓徹俎

按特牲禮賓獻尸爵止主人主婦乃交致交酢比賓作止爵尸乃酢賓賓乃獻祝佐食乃又致主人

主婦主人乃獻賓及衆于是堂下陳尊主人乃又酬賓乃又獻長兄弟衆兄弟乃又獻內賓宗婦長兄弟衆賓長乃又皆為尸加爵嗣又為舉奠而賓長兄弟以下乃皆族酬以至無算爵而後利成尸讓也今賓獻尸以下但尸酢賓賓獻祝而即尸讓何

煩簡不倫至是耶逆觀饋尸而後知先聖之禮制隆殺有時也易曰錯綜參伍而不易其方此之謂也

司宮設對席乃四人稷 稷饌同○疏曰祭統云凡饌之道布德施惡之象也特牲二人饌惠之小大夫四人

饌明惠之大也上佐食盥升下佐食對之賓長一入備注曰三佐食外又二賓長者備四人

饌也疏曰下佐食對之者直取上佐食東面下佐食西面為對而已其賓下佐食西面近北不得東西相當也一賓長在上佐食之

北一賓長在下佐食之南亦不東西相當但備其數耳 司士進一敦黍于上佐食又進一敦

黍于下佐食皆右之于席上資黍于羊俎兩端兩下是饌右之者東面則

在南西面則在北也資今文作齋謂取而資之也舊訓資為減者其資于羊俎兩端者一賓長在上佐食之北一賓長在下佐食之

南故也○疏曰東面在南據上佐食西面在北據下佐食右之者飯用手右為便也云兩下者據二賓長位于二佐食之左為下也

故上佐食東面則一賓長在其北下佐食西面則一賓長在其南二賓長皆在其左以地道右尊故也二佐食在右又于其左羊俎

之兩間南北面置黍故二司士乃辯舉饗者皆祭黍祭舉辨徧同賓長各于俎一端取黍也

○注曰舉謂舉膚也疏曰尸舉肺餞者下于尸明不舉肺  
當舉膚也特牲士禮佐食授餞者各一膚大夫禮亦然 主人西

面三拜 奠者奠舉于俎皆答拜皆反取舉注曰三拜者旅之  
示徧也皆反者拜

時皆去其席在東面席者東面拜在西面席者則南面拜疏曰主

人在戶內西面而拜餞者在堂下西東面而答但其在西面位者

不得與主人同西面而拜明 司士進一鉶于上 奠又進一鉶于次

奠又進二豆 滫于兩下 乃皆食 食舉乃皆食謂食黍也○注曰滫  
肉汁也云進者奠皆從門外

錢中來也疏曰神坐之上止有羊豕二鉶一進與  
上佐食一進與下佐食故更羞二豆滫于兩下也卒食主人洗一

爵升酌以授上 奠贊者洗三爵酌主人受于戶內以授次 奠若是

以辯皆不拜受爵爵不拜受者大夫之餞者賤也若特牲  
使嗣子與兄弟餞則貴矣故拜受也 主人西

面三拜 奠者奠爵皆答拜皆祭酒卒爵奠爵皆拜 主人答一

拜注曰答一拜答也疏曰特牲亦無再拜法此云畧者以四餞皆  
拜主人總答一拜故云畧也愚按特牲拜祝乃兩拜今云特牲

拜主人總答一拜故云畧也愚按特牲拜祝乃兩拜今云特牲

拜主人總答一拜故云畧也愚按特牲拜祝乃兩拜今云特牲

拜主人總答一拜故云畧也愚按特牲拜祝乃兩拜今云特牲

拜主人總答一拜故云畧也愚按特牲拜祝乃兩拜今云特牲

亦無再拜法蓋就答拜言之與然特往答拜不言其數如疏之意則謂特往兩餞各答一拜而此乃四餞總答一拜也經無明文亦以此言一拜 養者三人興出上養止注曰出降實爵 推度之耳

### 右設席行養

主人受上養爵酌以醋于戶內西面坐奠爵拜上養答拜注曰主人自酌

酢者上養獨止當尸位尊不酌也疏曰特牲上養親自酌酢主人此上養不酌者彼上養不假主人既卒爵而奠俱降故上養酌注人若此少牢禮備上養在 坐祭酒酌酒上養親酌曰主人受祭之尸位假主人故不酌也

福胡壽保建家室主人興坐奠爵拜執爵以興坐卒爵拜上養答

拜此主人祭啐而上養酌之之畧也尸假主人則詳矣○注曰親拜假不使祝也其授之亦以黍疏曰上皇尸命工祝假主人以黍今不使祝假而司士進教黍及資黍于牢 上養與出主人送乃退 注曰送佐食不拜賤也疏曰禮賓出主人皆拜送此佐食送而不拜故云賤也



右上海假主人

舊分此以上為少牢饋食禮而以下別標為有司徹其義未楚說見下卷

有司徹埽堂司宮攝酒乃執尸俎

執音蘇○注曰徹者徹室中之饋及視佐食之俎而饋也

大夫既祭而饋尸則不設餼西北隅為陽厭以此薦俎之俎有祭象亦足以厭餼神矣天子諸侯明日祭于廟而釋春秋傳云天子有事于大廟仲達卒王午猶釋是也埽堂為饋尸新之也攝者蓋整頓之也執溫也獨言溫尸俎者視與佐食不與其禮也疏曰徹室中之饋及視佐食之俎者室內之饋主于尸俎凡薦俎黍稷皆是也至祝有俎有薦在室內北墻下佐食無薦有俎在兩楹之間此徹亦及之其胙俎亦用饋尸不使有司同時徹而士佐食先徹設于堂下者所俎本為尸故後設而先徹也楚茨詩云諸宰君婦廢徹不遲此不言諸宰君婦者彼人君禮異也云薦俎之陳有祭象亦足以厭餼神者不饋尸則尸山之後改餼西北隅以厭厭神謂之陽厭而饋尸于堂則不為陽厭矣云王侯明日祭于枋而釋者按郊特牲云釋宜于堂之西北兩雅云周曰釋商曰彤夏曰復昨云復昨者復昨日之昨祭也云彤者彤祭不絕也云釋者釋釋前祭也復昨彤釋與祓蓋皆一事而異名又祓有正祭之祓有明日又祭之祓正祭之祓即于廟門之內楚茨詩祝祭于

祊傳云祊門內也鄭云孝子不知神之所在使祝博求之于廟因內之旁待賓客之處是也明日又祭之祊于廟門之外禮器云爲祊于外非特牲云素祭祝于祊不知神之所在于彼乎于此乎或諸遠人乎祭于祊蓋曰求諸遠者與是也大夫饋尸卽用正祭之牲若天子諸侯禮大則明日又別牲牛人職享牛求牛注云享獻也所以祭也求素也所以釋也是也云爲賓尸新之者正祭于室之時堂屋說今將饋尸又歸之也云益整頓之者士冠禮再醮攝酒注云攝猶整也執也謂饋尸亦因正祭之酒更添益撓攪整新之也然者先溫于葵之饗後乃升于鼎也獨言溫尸俎者正祭時尸設及生食皆有俎至饋尸時則別立侑以佐尸而已祊與佐食不與也古文類皆作尋訛或作燔春秋哀十二年傳云公會吳于瑯琊吳子使大宰歸請尋盟于貢曰盟所以周信也若可尋也亦可其也服注云尋之言重也溫也則其尸俎是重溫之義也

卒餼乃升羊豕魚三鼎無腊與膚

乃設芻饗陳鼎于門外如初注曰五鼎爲三者腊爲庶羞膚從豕外東方北面北上也疏曰云腊爲庶羞者此升鼎無腊下載又不見腊體明從庶羞可知云膚從豕者下載體時膚體在豕鼎明不爲庶羞可知故正祭時五鼎今去二鼎明饋尸之禮殺于初也

右執俎陳鼎

乃議侑于賓以異姓

注曰議猶擇也擇賓之賢者也必用異姓

二佐食二賓長四人儼儀訖皆出上倣出主人送乃退今

儀侑在廟內而出故云是時賓有司主人已復內位也宗人戒

侑侑出俟于廟門之外注曰戒猶告也南面告于其位戒曰請于

更人也疏曰賓位在門東北面則請以為侑當南鄉其位可知下

文將獻賓主人降南面拜衆賓于門東衆賓門東北面答拜是也

按燕禮公曰命某為賓則射人傳公命當云請于為賓此命侑主

人當云命某為侑則宗人傳主人辭戒之又當曰請于為侑注蓋

以互文約之也

右議侑戒侑

司宮筵于戶西南面又筵于西序東面戶與侑北面于廟門之外

西上

注曰戶西南兩為戶席西序東面為侑席言與者殊尊卑也

北面者賓尸而尸益卑也西上統于賓客也疏曰儼尸之禮

以尸為賓客常在門西東面北上  
主人出迎尸宗人擯主人拜尸

答拜主人又拜俯俯答拜注曰賓尸而迎之主人益尊也擯贊也

故使宗人為擯又上篇正祭主人不迎尸以申尸尊也今賓尸而迎之尸同賓客是主人益尊也主人揖先入門

右尸入門左俯從亦左注曰先入揖乃讓主人先升自阼階尸俯

升自西階西楹西北面東上注曰揖乃讓者沒需相揖至階又讓也東上統于其席也疏曰注知至階

又讓者上鄉飲酒等皆入門三揖至階又讓也尸在門外北面西

上統于賓也至此升堂亦應西上而乃東上者賓席以東為上故

云統于其席也主人東楹東北面拜至尸答拜主人又拜俯俯答拜揖讓拜至

### 右迎尸及俯

乃舉注曰舉舉鼎也舉者不盥殺也疏曰正祭時司馬舉羊鼎司

少牢

卷十九

舉

士舉豕鼎舉魚鼎以入陳鼎如初詳見前雍正執一七以從雍府執

二七以從司士合執二俎以從司士贊者亦合執二俎以從七皆

加于鼎東枋見前但未從字上有相字二俎設于羊鼎西西縮二俎皆設于二

鼎西亦西縮見前但縮字前為肆字○注曰如初如正祭時昨階下西而北上也雍正掌辨體各肉物者府乃其屬執

三七者鼎各一上也四俎謂尸侑主人主婦之俎二鼎西謂豕鼎

魚鼎之西疏曰云雍正掌體各肉物者屬禮內饗掌割烹煎和之

事辨體各肉物注云體各脊脅肩臂臄之屬肉物設燔之屬是也

愚按縮之言直猶順也凡全經言南陳南肆及南順之屬皆異各

而同實肆亦陳也謂其陳之皆直而順也雍正人合執二俎陳于羊俎西並皆西縮覆

疏七于其上皆縮俎西枋雍人雍正之亞羊俎謂二俎設于羊鼎西者也○注曰並併也其一俎司馬以

升羊七清羊肉清其一俎司士以升豕七清豕肉清疏七七柄有

刻飾者疏曰云七清者謂無肉直汁即下文司馬在羊鼎之東二

手執桃七枋以挹汁注于疏七是也云肉清者直是肉從清中來

即下文羊肉清以下載于南俎是也按下文次賓羞羊七清司馬

羞羊肉滫又次賓羞豕七滫司士羞豕香而注併云司馬司士以升不云次賓者據正文司馬割羊司士羣豕而約言之其實羞羊七滫豕七滫者次賓也云疏七為七柄有刻飾者凡言疏是疏通刻飾之名若禮記云疏屏之類是也愚按後章經文司馬先于羊鼎之東執桃七枋以挹滫注于疏七次賓因進七滫尸齊之而後司馬羞羊肉滫于尸前蓋以汁先肉如乘韋先牛之義此注所以云無肉直汁也或疑滫曰啐羹曰嘗牲體殺肱肝燔之屬皆曰滫汁無肉應如銅羹言嘗大羹不齊之例此後文言齊蓋亦有肉也此其說殊辯但非鄭注意耳

### 右司馬司士等舉陳鼎俎

主人降受宰几尸侑降主人饜尸對

几以安體周禮大宰掌贊玉几玉爵是也

宰授几

主人受二手橫執几揖尸主人升尸侑升復位

獨揖尸者几禮主于尸也○注曰位

昨階賓階上之位也疏曰主人位常在昨階上其賓位在西階上及尸西今恐尸復位在尸西故言賓階上之位也

主人西面左手執几縮之以右袂推拂几三二手橫執几進授尸于筵前

尸進一手受于手間

衣袖謂之袂推拂者去塵以示新也受從手間謙也

主人退只遺死棺

之右手執外廉北面奠于筵上左之南縮不坐

遺旋同○左之者異于鬼神也生人

陽長左鬼神陰長右不坐奠之者几輕也疏曰主人橫執几進授尸時尸二手受于主人手間亦橫受之以將縱設于席故遺之使

縮以右手執几外廉而鄉北面縮設于席也上篇設神几皆在右其為主人皆在左是人陽尚左神陰尚右也坐奠謂下文啐酒坐

奠之屬凡言坐是重之故不坐奠是几輕也

主人東楹東北面拜尸復位尸與侑皆北

回答拜

注曰拜者拜送几也侑亦拜者從于尸也疏曰主人為尸拜送几尸當答拜今侑亦拜故云從于尸也侑必從尸拜

者立侑以輔尸也

### 右主人授几

主人降洗尸侑降尸辭洗主人對卒洗揖主人升尸侑升尸西楹

西北面拜洗主人東楹東北面奠爵答拜

同降而尸辭同升而尸拜亦正從之意也○疏

曰按鄉飲酒主人降洗賓降主人辭降賓  
對此中亦應主人辭降賓對文不具也  
降盟尸有降主人辭尸

對卒盟主人揖升尸俯升主人坐取爵酌獻尸尸北面拜受爵主

人東楹東北面拜送爵  
降盟者為汚手不可酌也同降而主  
辭尸對同升而獻尸尸受亦前意也主婦

自東房薦韭菹醢坐奠于筵前菹在西方婦贊者執昌菹醢以授

主婦主婦不興受陪設于南昌在東方與取饗于房翫黃坐設于

豆西當外列麩在東方婦贊者執白黑以授主婦主婦不興受設

于初饗之南白在西方與退  
麩音費黃音文○昌昌本也韭菹醢  
醢昌本麩是也麩熬麥也黃熬米

質也白熬稻黑熬黍也以上皆朝事之豆若饗大夫初無朝事而  
用之饋尸亦豐大夫禮也主婦取饗與者以饌異親之也當外列

避錮也退退入房也疏曰主人先獻主婦後薦者正祭則先薦後  
獻釋祭則先獻後薦祭義君獻尸夫人薦豆注謂釋祭也此饋尸

禮與天子諸侯釋祭同故亦先獻後薦也饗人云朝事之饗  
白黑形宜應鮪魚醢醢人云朝事之豆韭菹醢醢昌本麩黃



鹿醢菲菹麋醢。鄭此注皆據彼而言。彼注昌本為昌蒲根有骨為  
醢無骨為醢。今按喪服傳直者麻之有黃者也。牡豚者臠麻也。黃  
麻有實臠麻無實而云實臠實者舉其類也。若竹器曰篋。方曰  
筥。鄭注論語云。篋筥也。亦是舉其類也。大夫用王侯朝事之篋豆  
雖豐大夫而八簋八豆之中各取其四則殺王侯也。韭菹醢即韭  
菹醢醢昌菹醢即昌本麋醢。醢亦各醢散文通也。又按周禮注云  
齏菹之稱菜肉通全物若糜為菹細切為齏。彼昌本不言菹蓋細  
切為齏此云昌菹則大夫以昌本為菹異于王侯也。籩豆俱時設  
而籩不使婦贊授者以籩與豆不同  
所實又別故主婦就房親取之也

右主人獻尸主婦設薦

乃升司馬牝羊亦司馬載載右體肩胛肱臑正脊一臠脊一橫

脊一短脊一正脊二代脊一腸一胃一祭肺一載于一俎。臠音純

三俎皆尸俎也。不言尸俎為饋尸可知也。○注曰升者自鼎升牲

體于俎也。載尸俎復序體者明所舉肩胛及脊脊存焉亦著脊脊

皆一骨也。臠在下者折分之以為肉清也。此俎謂司士所設羊

鼎西之第一俎。疏曰按上篇載牲體十一脊脊皆二以並尸舉肩

醫及脊骨皆加于所組今故尸組所舉之在肱者不在故復尸  
 其體明在所組之肩醫及脊脊亦存又上篇脊脊皆二骨以並余  
 脊脊一骨在此正組又一骨在下文清組亦著脊脊皆一骨也  
 此組在俯組之南俯組在其北即下文注云俯組羊鼎西之北組  
 是也以下所次注皆據司士雍人所陳為次推之可見愚按此尸  
 之組為羊鼎西之第一組在南俯組為羊鼎西之第二組在此  
 組為羊鼎西之組主婦組為魚羊肉清屬折正脊一正膾一腸一  
 胃一膾肺一載于南組也注曰肉清肉在汁中者以增組實為尸加  
 雖人所設在南之組此以下十一組俟時而載先于此歷陳之耳  
 禮曰云增組實為尸加者正祭之鼎直升牲體無清今償尸增組  
 實為尸加故有清也凡肉在鼎有注在組無注故先進羊七灌然  
 後進羊肉清見此清為肉而有因在羊肉清前進使尸嘗之下注  
 云清清者明清肉加耳嘗之以其注尚味也是也豕亦有肉清不  
 各肉清而各豕豕者互見為文言膏者見在組無汁言肉清者見  
 在鼎有汁也魚不言魚清而云清魚者羊先言肉後言清使肉前  
 進上清明是皆從肉來魚前無道七清者下注云不羞魚七灌畧  
 小味也羊有正組羞七清肉清豕無正組魚無七灌殺也上文退  
 膾在下者以折分故退之此云膾折即上所退膾在下者也左在

體皆有膻而必取右體之膻折分用之者貴神俎故也脊骨亦分一骨為肉清者亦貴神俎也按下文卒升賓長設羊俎豕俎南賓降尸升筵唯設此一俎餘十俎未載設待主人主婦升席乃載設之今此以下乃因前俎先歷陳之載設實俟時耳十一俎者尸之年肉清俎一也豕脊俎二也侑之羊俎三也豕俎四也主人羊俎五也羊肉清俎六也豕脊俎七也主婦羊俎八也尸及侑及主人三魚俎十一也通尸羊正俎十二也內尸侑主人主婦載羊體之四俎皆為正俎餘八俎雍人惟執二俎益送往還故有八其實止二俎也愚按據本章十二俎皆同時自鼎升載而其後乃即所升載之俎陳設之耳註謂先載一俎而十一俎乃俟時而載者以下經定之也羊豕七清二俎升必俟時者蓋一以清恐傾不得先時預升一又以清宜溫自須臨時乃進故下經升時有明文也十一俎雖同升亦自無害故經因升尸俎而併陳之然據上文就從凡六俎不及十二俎之數理既當俟時而升况下文益送往還之儀惟尸侑主人主婦之四羊俎為正俎設于各筵而餘則羊七清俎縮執以降羊肉清俎羊燔俎皆載加于羊俎即豕脊俎豕燔俎清魚俎亦于羊俎載加之所以然者少牢禮以羊俎為正俎俎可容則載加之矣其長賓兄弟次賓兄弟以及內賓私人之薦俎并凡筵豆銅器之屬皆不陳之者祭器以俎為重俎又尸侑主人主婦為尊故也然註家雖為俟時而載之說而往還益送之儀不

明則讀經者多疑其說故通考  
前後祭之如此餘見下文卒升  
司士牝豕亦司士豢亦右體肩臂

肫骼臙正脊一脰脊一橫脊一短脊一正脊一代脊一膚五膾肺

一載于一俎注曰騶在下者順羊也俎謂雍人所設在北之俎疏  
以上文羊騶在下由折分豕脊雖不折分而亦在下

者順羊故亦在下也  
俎俎羊左肩左肫上脊一膾一腸一胃一切肺一載于一

一俎俎豕左肩折正脊一膾一膚三切肺一載于一俎此二俎  
皆俎俎

連日之者變文也○注曰俎用左體俎賤也羊俎過三體而有肫

尊而加之也豕左肩折者折分為長兄弟之俎也切肺亦祭肺互

言之耳無羊渚者下于尸也豕不膾肺不備禮也此羊俎司士所

設羊臙西之北俎也其豕俎則與尸同疏曰按上篇載尸俎皆右

體脊脊皆二骨以並舉肺一切肺三尸及主人主婦盡用矣腸三

胃三尸正俎用一渚俎用一唯有一在此是以自俎已下及主人

主婦皆用左體脊脊及腸胃之屬今孫尸俎時左體亦同升于俎

不言者文不具也若不同升俎則俎主人主婦之俎如特牲執事  
之俎陳在階間不應在俎西也特牲執事與主人主婦之俎不升  
俎少牢上篇祝與佐食之俎亦不升俎皆自異于神此自俎已下

乃悉與尸同鼎者，儗尸禮益與雖同升鼎，唯尸尊禮詳，儗已下體畧，故不嫌同升也。鼎俎數奇，今肩胛脊脅之體，數四，故云加。且上符祝之羊豕體各三，下文主人之羊肉滫俎體亦三，今儗尸有猶正祭之有祝也，以立侑輔尸，故云尊之。又以侑之豕俎無胾，主人之羊肉滫俎亦無胾，故又云過三體而有胾，尊而加之也。經云：「俎皆不云折，唯兄弟俎則云折。」先生之胥折，注云：先生謂長兄弟也。折豕左肩之折也，故又云折分為長兄弟俎也。經云：「羊七滫羊肉滫皆無故云無羊滫以包之，而此二滫尸皆有，侑皆無故云下于尸。」又上文尸羊俎有祭肺，豕俎有膾肺，是備禮。侑羊俎豕俎皆切肺，故又云不備禮也。昨俎，羊肺一，祭肺一，載于一俎，羊肉滫，豕一，脊一，膾一，腸一，胃一，膾肺一，載于一俎，豕胥。

臂一，脊一，膾一，膚三，膾肺一，載于一俎。此三俎皆主人俎，主人在昨，故名也。○注曰：主人俎。

無體，遠下尸也。以肺代之肺，尊也。加羊肉滫而有體，崇尸惠亦尊主人也。臂，左臂也。侑用肩，主人用臂亦下之也。不言左臂者，大夫尊空其文也。降于侑之羊體一，而增豕膚三者，有所祗有所伸，所謂順而據也。此昨俎，司士所設，豕鼎西之俎，其滫俎豕俎與尸滫俎豕俎同。疏曰：尸用右體，主人用左體，是其相下。今主人正俎，全無牲體，故云遠下尸也。尸侑皆一肺，今主人一俎，有兩肺，故知以

肺代體肺得以代體者肺為氣之主祭之所先尊于腸胃故也。俎物雖與尸不同而均清與尸同至尸酢主人而設之故曰崇尸。惠侑無羊七清與豕七清而主人盡有之故曰尊主人牲右體貴左體賤右臂在尸俎主人惟用左臂耳然侑用左體直言左肩左肥主人雖用左臂乃云臂不云左故云大夫尊空其文也有順而據也。禮器文彼注云若君沐梁大夫沐稷士沐梁大夫屈于君不沐梁士屈于大夫而反沐梁是一屈一伸之義。愚按主人與侑皆豕膚三注云增于侑多豕膚三未詳當云增于侑多羊滯一耳。主

婦俎羊左膈脊一脅一腸一胃一膈一膾羊肺一軀于一俎。主婦

俎主人備矣。注曰豕有膚而無體以主人無羊體亦不敢備也。無祭肺有齊肺亦下侑也。膾肺言羊者文亦膚下俎豕肺也。此主婦俎同土所設魚醜西之俎。疏曰君尊尊卑侑用肩主人用臂已下侑矣。祭肺尊齊肺卑。俎俎皆祭肺主婦皆膾肺。故云亦下侑也。豕膚在羊肺之上使紳羊之體下文主人獻賓切肺一。膚一其膚又在肺下者彼取用之先後故也。膚在土也。司士杜魚

亦司士載尸俎五魚橫載之侑主人皆一魚亦橫載之皆加膾祭

于其上。此三俎尸侑及主人俎也。注曰橫載之者異于牲體。彌

變于神也。應讀如殷辱之肆。刺魚時割其腹以為大臠。可

用以祭也其俎又與尸豕俎同疏曰按以上十一俎凡尸侑主人主婦之俎皆言羊俎豕俎獨不陳魚俎而并陳于此者魚水物別于正牲故并于此陳之也云橫載為異于牲俎彌變于神者凡牢牲事神食生皆橫載于俎于神與人皆為橫此同也但其體鬼神進下生人進腩上正祭之時羊豕載于俎皆進下注云交于神明不敢以食道敬之至也故與生人鄉飲酒禮進腩不同也此異也至此饋尸則事神禮簡饋尸禮隆以尸為賓客故從生人禮牲體皆進腩此又同也凡魚牲事神食生皆縮載于俎于神與人皆為橫此亦同也但其魚事神進腩食生進膾上七載之時司士升魚十有五而俎縮載右首進腩注云變于食生也故與生人禮右首進膾不同也此亦異也至此饋尸禮載魚宜亦同生人縮載右首進膾而乃橫載之異于牢體之從生人禮者見饋尸禮雖與正祭異又不全與生人同故云彌變于人也按郊特牲周升殷俎之禮皆覆以覆首也此亦取魚腹反覆于上以擬祭故讀如之云其俎又與尸豕俎同者謂上司士所設于豕鼎之西者也愚按膾只是大機注疏讀如殷俎之尋曲甚矣

右司馬司士載尸侑主人主婦各俎

卒升卒升據本章承十二俎按下文經傳指尸俎也○注曰卒已也  
已載尸羊俎也疏曰按上文主人獻尸主婦設薦乃升羊俎

送于尸前而因歷陳十一俎之數是以注于卒升但以已載尸羊  
俎言之也自上文獻尸至此以下有五節主人獻酒主婦設薦一  
也賓長設羊俎二也次賓羞羊七流三也司馬羞肉流四也次賓  
羞羊燔尸乃卒酌五也愚按卒升或通承上文升于二俎而言蓋  
其時將升羊俎于尸前于是尸羊俎自鼎升而各俎亦皆升矣然  
此下獻尸侑及主人主婦所言設俎言羞流又言羞薦凡皆各置  
載與加載于羊俎而羊系七流俎乃次賓羞于尸前而因  
縮執以退者則注疏止以卒升為升尸羊俎固自得之 賓長設

羊俎于豆南賓降尸升筵自西方坐左執爵右取韭菹揆于三豆  
祭于豆間尸取饗黃羊夫贊者取白黑以授尸受兼祭于豆祭

黃長也對次賓而言也豆祭亦謂豆間也○注曰賓長上賓  
也疏曰按下三獻之時上賓洗爵注云上賓賓長也是也 乘人

授次賓疏匕與俎受于鼎西左手執俎左廉縮之卻右手執匕枋

縮于俎上以東面受于羊鼎之西司馬在羊鼎之東一手執桃匕

枋以挹酒注于疏匕若是者三尸與左執爵右取肺坐祭之祭酒



與左執爵

桃湯堯反又他羔反○受于鼎西次賓受也又言以東面受于羊鼎之西者由明之耳上柄疏上枋也

把渣疏上以注渣尸與承上坐祭而言經文夾叙之也○注曰桃

讀如詩或春或枕之枕今文作枕或作挑者秦人語也二疏上皆

有淺升狀如飯摻桃上長枋可抒物于器中注猶寫也把今文作

扱肺羊祭肺也疏曰云二七皆有淺升狀如飯摻此以漢法堯之

言淺升者對凡勺深升而言知羊祭肺者上載尸羊正祖云祭肺一是也

次賓縮執上俎以升若是以

授尸尸卻手受上枋坐祭臚之與覆手以授賓賓亦覆手以受

上于俎上以降尸席末坐啐酒與坐奠魯拜告旨執爵以與主人

北面于東楹東答拜覆方伏反下同○云若是者縮以升亦縮

味也旨美也疏曰上清似大羹按特牲大羹不祭不啐此實之者

明清肉加先進其汁而嘗之尚味故也清肉在鼎有汁在俎無汁

故先以上進汁特牲大羹自門入不調于鼎此肉清在俎已調故

云尚味也按上篇尸不啐奠不告清尸彌尊也至饋尸啐酒告旨

異于神奠尸禮彌卑矣

司馬羞羊肉清縮執俎尸坐奠爵興取肺坐絕祭臚

之與反加于俎司馬縮奠俎于羊湑俎南乃馘于羊俎卒馘俎縮

執俎以降尸坐執爵以興羊湑謂羊七清也○注曰絕祭謂絕肺末以祭即周禮九祭七日絕祭是也湑

使次賓肉使司馬大夫禮多崇敬也疏曰周禮大祝職注云絕祭絕末以祭也上文次賓載湑此司馬羞肉大夫官多各使載其一

故云大夫禮多崇敬也愚按此云卒馘乃尸啗羊肺訖而司馬以俎內凡所升者并馘于先一羊體之俎也或誤以此馘為白鼎升

俎者失次賓羞羊燔縮執俎縮一燔于俎上鹽在右尸左執爵受之矣

燔換于鹽坐振祭臍之興加于羊俎賓縮執俎以降尸降筵北面

于西楹西坐卒爵執爵以興坐奠俎拜執爵以興主人北面于東

楹東答拜注曰燔炙也統曰按詩云載燔載烈注云傳火曰燔貫之加于火曰烈烈謂炙也彼燔炙為對文則燔炙與而

散文傳火亦是炙類故曰燔炙也主人受爵尸升筵立于筵末

右尸各祭訖卒主人獻爵

主人酌獻侑西楹西北面拜受爵主人在其右北面答拜注月

者俱獻間無事也主人就右者賤不專階也疏曰此以下獻侑有

三節主人酌獻主婦設薦一也司馬羞羊俎二也次賓羞羊俎三

也侑降于尸二等故無羊匕滫又無肉滫也獻尸訖即獻侑申薦

無別酢酬故不洗凡爵從尊者來向與獻間無事則不洗此文獻

尸訖獻侑不洗是也爵從卑者來向尊雖獻間無事亦洗特牲注

云洗乃致爵于主人為異事新之也以其承佐食賤也不儋尸注

亦云洗致爵于主人以承佐食賤新之也皆是也侑賤不主婦薦

專階故主人就侑右若尸尊得專階故主人不就尸階也主婦薦

並蒞醢坐奠于筵前醢在南方婦贊者執二簋饗以授主婦主

婦不興受之奠饗于醢南黃在饗東主婦入于房注日醢在南方

正饗統焉也疏曰凡設蒞當在右便其揆也今蒞在醢北者以立侑輔尸故蒞在北統于尸也

右主人獻侑主婦設薦

侑升筵自北方司馬橫執羊俎以升設于豆東侑坐左執爵右取

菹揆于醢祭于豆間又取麩黃同祭于豆祭興左執爵右取肺坐祭之祭酒興左執爵畧如月也次賓羞羊燔如尸禮俯降筵自北方北

面于西楹西坐卒爵執爵以興坐奠爵拜主人答拜如尸禮謂縮執至加羊俎

之屬○注曰答拜拜于俯之吉也疏曰知拜于俯之右者以其前拜爵時尸在俯之右也此俯酢亦亦有五節尸酢主一也婦設薦賓長設羊俎二也次賓羞羊七清三也可馬羞肉清四也次賓羞燔主人乃卒爵五也

右俯各祭訖卒主人獻爵

尸受俯辭降洗俯降立于西階西東面主人降自阼階辭洗尸坐

奠爵于篚興對卒洗主人升尸升自西階主人拜洗尸北面于西

楹西坐奠爵答拜俯授尸爵同尸降盥主人降尸辭主人對卒盥降者俯輔尸也

主人升尸升坐取爵酌司宮設席于東序西面主人東楹東北面

拜受爵尸西楹西北面答拜

設席酢席也尸待主獻爵設乃酢主人也○疏曰持牲禮及少牢上篇主

人獻尸俟尸酢主人訖乃獻祝及佐食今尸受獻則待主人獻爵

訖乃酢主人者此償尸之時尸躬欲達主人之意故使先獻爵乃

自酌以酢彼正祭之時尸尊即自達已之意故先酢主人主人乃

獻祝與佐食下文賓長獻尸尸遂賓之意待其致爵主人尸乃酌

之亦此類也愚按特牲少牢皆致爵乃設席此償主人婦薦韭菹醢

尸受酢即設席者亦償尸尸益卑主人益尊故也主婦薦韭菹醢

坐奠于筵前菹在北方婦贊者執二簋醴黃主婦不與受設越于

菹西北黃在越西主人升筵自北方主婦入于房

注曰設越于菹西北亦避劍也

疏曰按上文設尸豆訖主婦與取筵于房而設俯與主人豆訖主

婦不與取筵者凡執筵豆之法皆兩殿執之俯與主人豆籩各三

主婦自執二豆設之婦贊執二簋以授而設之故主婦不與若尸

豆籩各四主婦與婦贊各執二豆訖又當各執二簋故主婦與取

籩于房也上設俯筵正當豆此在西北明避劍也猶設尸籩避劍當豆西外列之意也

右尸酢主人主婦設薦

長質設羊俎于豆西主人坐左執爵祭且籩如侑之祭興左執爵

右取脯坐祭之祭酒興如侑之祭如其取滫次賓羞匕滫如尸禮

席末坐辟酒執爵以興司馬羞羊肉滫縮執俎主人坐奠爵于左

興受肺坐絕祭臍之興反加于滫俎司馬結奠滫俎于羊俎西乃

撤之卒載縮執虛俎以降主人坐取爵以興如尸禮如其縮執却

主人不告也注曰奠爵于左者神惠變于常也言受肺明有

授也言虛俎者羊滫俎也至此虛不復用也疏曰羊滫俎雍人所

執陳于羊俎西在南者也自賓羞羊匕滫司馬羞羊肉滫于尸不

次賓又羞匕滫司馬又羞白滫于主人同用此俎則虛矣前三降

皆不言虛引見將更用此言虛俎見不復用也愚按俎降皆虛

釋言虛蓋衍論文舊謂虛不復用而下羞俎用北之豕俎者非

賓羞俎主人受如尸禮主人降筵自北方北面于阼階上坐卒爵

執爵以興坐奠爵拜執爵以興尸西楹西答拜主人坐奠爵于東

厚南如尸禮如其自羞訖降之屬○注曰不降奠爵于篚急崇酒也疏曰燔卽羊燔也凡主人與尸侑獻酢皆用羊醴主婦獻尸以後乃悉用豕醴賓長獻尸以後乃悉用魚從

右主人各祭訖卒尸酢爵

侑升尸侑皆北面于西楹西主人北面于東楹東再拜崇酒注曰

于西楹者以主人不反位將與已為禮也○崇酒辨見前尸侑皆答再拜主人及尸侑皆升就

筵

右主人崇酒

司宮取爵于篚以授婦贊者于房東以授主婦主婦洗于房中出

實爵尊南西面拜獻尸注曰房東房戶外之東也尊南西面拜出便也疏曰上文主人獻凡三爵獻尸獻侑

并受尸酢是也此下主婦獻凡四爵獻尸一也獻侑二也致爵主人三也受尸酢四也主婦獻尸內從獻又有五節主婦設兩列一

也又設糗與修二也次賓羞豕匕渣三也司尸拜于筵上受主婦

士羞豕齊四也次賓羞豕燂尸乃卒爵五也西面于主人之席北拜送爵

賓主之禮故不得各就其階也若上篇主人獻祝祝拜于席上坐

受者注云室內迎彼故拜受于筵上與此禮異也下文主婦西面

于主人之席北拜送爵今酌尊乃即在尊南西面獻尸入于房取

一羊劍坐奠于韭菹西主婦贊者執豕劍以從主婦不與受設于

羊劍之西興入于房取糗與脰脩執以出坐設之糗在黃西修在

白西興立于主人席北西面糗去九反殺丁亂反○注曰飲酒而

有劍者祭之餘劍也無黍稷殺也糗

糗也○按二劍二籩如上二豆二籩各執之例亦宜主婦執二劍

以設而婦贊者執二劍以授今主婦止執羊劍婦贊者執豕劍而

主婦又自興入房取二籩者二劍非可雙執故主婦與贊者分執

之而二籩可雙執

乃獨親執之也

少半 卷十九 妻



右主婦獻尸設薦

尸坐左執爵祭煇修同祭于豆祭以羊劍之柄抱羊劍遂以挹豕

劍祭于豆祭祭酒器如土獻之祭也次賓羞豕上清如羊上清之禮尸坐

俸酒左執爵嘗上劍執爵以興坐奠爵拜主婦答拜執爵以興如

上清之禮謂自羞以至祭降之屬司士羞豕齊尸坐奠爵興受如羊肉清之禮坐

取爵興如羊肉清之禮謂自羞至奠祭加載之屬次賓羞豕燔尸左執爵受燔如羊燔

之禮坐卒爵拜主婦答拜

右尸各祭訖卒主婦獻饌

受爵酌獻侑侑拜受爵主婦主人之北西面答拜注曰酌獻者主

視獻尸無劍羹與豕上清而亦有二節主婦酌獻侑羞煇婦也疏曰獻侑

修一也司士羞豕齊二也次賓羞豕燔侑乃卒爵二也主婦羞

糗修坐奠糗于壘南修在黃南

右主婦獻侑設薦

侑坐左執爵取糗修兼祭于豆祭司士縮執豕齊以升侑興取肺

坐祭之司士縮奠豕齊于羊俎之東載于羊俎卒乃縮執俎以降

侑興注曰豕齊無前侑禮又殺也疏曰按上下文尸與侑及主人

主婦但是正俎皆橫執以升又橫設于席間若益送之俎皆

縮執以升又縮設于席前雖不言可知也今司士蓋豕齊是益送

之俎乃特言縮執者上文主獻侑有羊肉清今主婦獻侑無羊肉

清而蓋豕齊是以經持著縮執俎以見義也諸文待云縮執縮執

者皆此類愚按併載于羊俎說則以虛知降矣不得云益送之俎

也前見次賓羞豕爓侑受如尸禮坐卒爵拜主婦答拜如尸禮如

前矣換祭說降之屬

右侑各祭訖卒主婦獻饌

受爵酌以致于主人主人筵上拜受爵主婦北面于阼階上各拜

注曰主婦易位拜于阼階上辟併敬也疏曰此亦有五節注婦

爵主人因設二劍一也又設稌修二也羞豕七渣三也羞豕膏四

也羞豕燻主人乃卒爵五也前主婦獻尸侑拜送于主人北今

爵于主人乃易位者拜于阼階上若不易位似併敬尸侑故遂而

易位也特牲禮三獻爵止乃致爵此未三獻已致爵者以

上篇已獻尸故此不待三獻又見饋尸禮殺故早致也

二劍與稌修如尸禮之授受奠設也

右主婦致主人設薦  
主人共祭稌修祭劍祭酒受豕七渣拜啐酒皆如尸禮嘗劍不拜

皆如尸禮通謂祭稌修以下及受豕七渣以下凡祭齊啐之屬

注曰主人如尸禮尊也其異者不告旨疏曰按前文主婦獻尸尸

坐啐酒左執爵嘗上劍執爵以興坐奠爵拜則拜在嘗劍之下嘗

劍有拜而此則嘗劍不拜者彼拜雖在嘗劍下賓因坐啐酒不與

即嘗劍嘗劍說乃與拜其拜仍為啐酒是以特牲少牢尸嘗劍皆

不拜也愚按正祭凡嘗劍皆不拜饋尸則尸拜者尸就與也

于主婦則尊矣故不拜也又主人受豕匕滂拜如尸其受豕齊受

豕燔亦如尸禮坐卒爵拜主婦北面答拜受爵如尸禮進如尸受其年燔之禮也

右主人各祭訖卒主婦致爵

尸降筵受主婦爵以降主人降俯降主婦入于房主人立于洗東

北西面俯東面于西階西南尸受爵將酢主婦也立于洗東北俟尸洗也疏曰此內有三節尸酢主婦

爵于篚盥洗爵主人揖尸值主人升尸升自西階俯從主人北面

立于東楹東俯西楹西也主大也

酌也尸酌主婦出于房西面拜受爵尸北回于俯東答拜出也

也拜即也主婦入于房司宮設席于房中南面主婦立于席西注

人嫌也注

者主婦亦尊也疏曰賓長以下皆無設席之文唯主婦與主人婦  
同設席故云主婦尊也特牲士禮及下大夫主婦設席亦如之婦

贊者薦韭菹醢坐奠于筵前菹在西方婦人贊者執雞黃以授婦

贊者婦贊者不與受設鷄于菹西黃在雞南注曰婦人贊者宗婦

在記宗婦北堂東向北上注云宗婦族人之婦其夫于所祭為子  
孫者是也此贊乎婦贊者故云宗婦之少者也愚按婦人贊者以  
授婦贊者蓋婦人贊者又降矣

右尸酢主婦婦贊者設薦

主婦升筵司馬設羊俎于豆南主婦坐左執爵右取漑奠于醢祭

于豆間又取雞黃兼祭于豆祭主婦奠爵興取肺坐絕祭膾之興

加于俎坐執手祭酒啐酒祝悅同○注曰執手于悅內則次齊羞

羊燔主婦興受燔如主人之禮如主人受尸酢也主婦執爵以出于房西

尸酢也

面于主人席北立卒爵執爵拜尸西楹西北面答拜

注曰向主人者出房卒爵

宜御尊也立不坐者變于主人也執爵拜者變于男子也疏曰主人受酢坐卒爵故云變于主人凡男子皆奠爵乃拜故云變于

男子也主婦入立于房尸主人及侑皆就筵

### 右主婦各祭訖卒尸酢爵

上賓洗爵以升酌獻尸尸拜受爵賓西楹西北面拜送爵尸奠爵

于薦左賓降

注曰賓長謂之上賓以將獻異之或謂之長賓也奠爵猶爵止也疏曰尸不舉者三獻訖正禮終欲使神

惠均于左庭偏得獻乃舉之故後文主人獻眾賓以下訖乃作止

爵也持牲禮尸在室始行三獻夫婦未行致饌尸即止爵欲神惠

之均于室此饋尸禮尸在室已行三獻及饋尸在堂夫婦又行致

爵尸乃奠爵欲神惠之均于庭故與正祭者異也上賓為賓長者

上文賓長設羊俎是也以將獻異為上賓者言長尊稱禮言上賓

稱重也或謂之長賓者少牢禮云長賓洗爵獻于尸不饋尸禮亦

云長賓是也奠爵猶爵止者特牲云賓二獻

如初燔從如初爵止是也不饋尸者亦然

右賓長獻尸尸奠饌

主人降洗爵尸俯降主人奠爵于篚辭尸對卒洗揖尸升俯不升

注曰俯不升尸禮益殺不從也主人實爵酬尸東楹東北面坐奠爵拜尸西楹西

北面答拜坐祭遂飲卒爵拜尸答拜主與尸皆猶獻時之北面降也但自此俯更不從耳

洗尸降辭主人奠爵于篚對卒洗主人升尸升注曰降洗者主人將酬尸也

人實爵尸拜受爵主人反位答拜尸北面坐奠爵于薦左奠爵于薦左

上意也○疏曰此獻尸酬尸尸奠于薦左不舉也按下一二人舉解于尸俯俯奠于右注云奠于右者不舉凡神惠右不舉變于飲

酒也與此不同者下不償尸及特牲皆不酬尸此由償尸與賓客飲酒無異故有酬而異于下經俯奠于右神惠右不舉也

右主人酬尸尸奠爵

尸俯主人皆升筵乃羞注曰羞以盡歡心也疏曰二羞償尸用之故云盡歡心愚按升筵不言主婦者統于

主人省  
宰夫羞房中之羞于尸侑主人主婦皆右之司士羞庶羞

于尸侑主人主婦皆左之注曰房中之羞其籩則稌餌粉糝其豆則醢食糝食所謂內羞也庶羞則羊臠

豕臠皆有醢醢矣內羞在右陰也庶羞在左陽也疏曰按周禮籩

人職羞籩之實糝餌粉糝注云二物皆粉稻米黍米為之合蒸曰

餌餅之曰糝糝者搗粉熬大豆也為餌糝之黏著以粉之餌言糝

糝言粉互相足也又醢人職羞豆之實糝食醢食注云醢糝也內

則取稻米舉糝漉之小切狼臠香以與稻米為糝取牛羊豕之肉

三如一小切之稻米二肉一合為餅煎之為糝也又按王制庶羞

不踰牲注云祭以特牲則不以牛羊為羞祭以少牢則不以牛為

羞內則羞用三牲者據得用大牢者言之若不用大牢則無牛不

用少牢又無羊矣按公食大夫禮牲皆雁及炙及醢今注云羊臠

羊臠皆有醢醢不言炙者公食大夫是食禮故庶羞並陳此僕尸

是為禮主人獻尸皆羊燔從主婦獻尸皆豕燔從醢賓後司士主

人降南面拜眾賓于門東三拜眾賓門東北面皆各壹拜賓獻也

右羞尸侑主人主婦各羞

少牢

卷十九

禮記



主人洗爵長賓辭主人奠爵于篚與對卒洗升酌獻賓于西階上

長賓升拜受爵主人在其右北面答拜不言降洗辭降省文也宰夫自東房

薦脯醢醢在西司士設俎于豆北羊酪一腸一胃一切肺一膚

注曰羊酪謂羊左酪也上賓止一體賤也薦與設俎者既則俎于西序端疏曰按鄉飲酒司正升受酬者降席司正退立于序端則

先事既設後事未至退立之位當在序端知此時不降者下文賓執祭以降宰夫執薦以從司士執俎以從無升文明此不降退立

于序端也賓坐左執爵右取肺揆于醢祭之執爵興取肺坐祭之祭酒

遂飲卒爵執以興坐奠爵拜執爵以興主人答拜受爵答拜又言受爵明將

獻眾賓也賓坐取祭以降西面坐委于西階西南注曰成祭于上尊賓也取祭以降反下位

也委于西階西南已獻尊之也祭謂脯若肺也疏曰初位在門東今得獻則反西階西南與主人相對故云已獻尊之也

右主人獻賓長

宰夫執爵以從設于祭東司士執俎以從設于薦東衆賓長升拜

受爵主人答拜坐祭立飲卒爵不拜既爵祭東祭肺東也其禮拜祭飲亦如賓長但不拜

卒爵也○注曰衆賓長升者以次升受獻也疏曰知受獻必以長幼之次者下文云宰夫贊主人酌若是以辯是以長幼之次受獻也

宰夫贊主人酌若是以辯辯音偏下同○贊者主人每獻一人

拜受祭飲之屬而不拜既爵也辯受爵其薦脯醢與胾設于其位其位繼上賓而

南皆東面其胾體儀也此即其辯受爵時之位俎申之也○注曰

宰夫薦司士胾也儀者尊體盡儀度餘骨可用而用之也尊者用

尊體卑者用卑體亦有切肺若膚也疏曰徧獻乃薦謂若燕禮三

肺已上得獻即薦大夫則徧獻乃薦也凡言儀取尊卑得其儀也

但尊體既獻就卑體之中度尊卑之儀而用之尊者用尊體卑者用卑體而已按特牲用離肺如此衆賓用切肺若膚者以其侑用切肺不敢殊于尸明衆賓亦不敢殊于侑也愚按注謂徧獻乃非也以後徧獻兄弟章推之此乃申辯受爵時之位俎甚明豈先徧獻而後薦設乎儀者言其微末足以備儀而已注謂儀度而

少牢

卷一

五

之亦  
曲矣。

### 右主人徧獻眾賓

乃升長賓主人酌酢于長賓西階上北面賓在左主人坐奠爵拜

執爵以興賓答拜

酢者賓酢主人也言酌酢于長賓者長賓將酢主人而辟不敢親故主伸其意也○注曰主人

酌自酢者序賓之意賓卑不敢酢也疏曰特牲主人獻長賓訖不待徧獻即酢此則徧獻乃酢者主人益尊先徧獻自達其意也特

牲主人獻內賓辨乃自酢注云爵辨乃自酢以初不殊其長也則此大夫尊初則殊其長故也坐祭遂飲卒爵執

爵以興坐奠爵拜賓答拜賓降

言奠爵所有受奠于篚者也凡奠爵有二言奠于某位者皆實爵也

言奠于篚者皆虛爵也今虛爵言奠爵不言受奠者省文也詳見下文○注曰降反位也

### 右長賓酢主人

宰夫洗解以升主人受酌降酬長賓于西階南北面賓在左主人

坐奠爵拜賓答拜坐祭遂飲卒爵拜賓答拜

注曰宰夫洗解升授主人則前受其虛爵

奠于篚也疏曰知然者上文主人奠爵拜賓降主人無降之文今宰夫即洗解升授主人受之明上文主人所執虛爵宰夫受奠于

篚可主人洗賓辭主人坐奠爵于篚對卒洗升酌降復位賓拜受

爵主人拜送爵賓西面坐奠爵于薦左

亦如賓獻尸主酌尸之奠爵也

右主人酬賓賓奠爵

主人洗升酌獻兄弟于阼階上兄弟之長升拜受爵主人在其右

答拜坐祭立飲不拜既爵皆若是以辯

主人在右猶賓在左也注曰兄弟長亦立飲大夫

之兄弟賤不別也宰夫不贊酌者兄弟親不以官待之也疏曰特牲饋長兄弟下阼階上如賓儀者士與長兄弟為貴故如長賓之儀坐飲且拜卒酌也至于大夫貴兄弟賤不得如賓儀故長物皆立飲不拜既爵也上文主人酌獻賓使宰夫贊酌今酌獻兄弟不使宰夫贊酌者大夫之賓貴故以官待之兄弟是親昵故不以官待之也辨受爵其位在洗東西面

北上升受爵其薦胥設于其位

此亦即其辨受爵之位饌申之也。注曰亦辨獻乃薦也既云辨矣

復言升受爵者衆兄弟升不拜受爵先著其位于上後云薦胥設于其位明位初在是也位在洗東不繼于主人者卑不統于尊也此薦胥皆使私人疏曰按特牲主人卑故兄弟助祭之位得繼主人于阼階下此以大夫尊故兄弟之位在洗東不繼主人也上獻賓長及衆賓使宰夫設薦司士設俎又使宰夫贊酌至于獻兄弟爲親昵不以官待之明使私人薦胥可知也愚按使私人薦亦無明文考獻私人亦如衆賓長以官待之獻內賓亦如兄弟不以官待之皆親疏之別也以下文推之可見偏獻乃薦辨見上文其先生之胥折胥一膚一其衆儀也先生長兄弟也折豕左肩之折其承長兄弟之下知非先生教人者也知折是豕左肩之折者備俎豕左肩折注云折分爲長兄弟俎是也

右主人徧獻兄弟

主人洗獻內賓于房中南面拜受爵主人南回于其右答拜坐祭

立飲不拜既爵若是以辯猶在右也但南面異矣。注曰內賓姑姊妹及宗婦也獻于主婦之席東而不

西面者主人尊不與為賓主禮也南面于其右主人之位恒左人也疏曰知內賓是姑姊妹及宗婦者約特牲記而知也按特牲獻內兄弟于房中如獻眾兄弟之儀主人西面答拜此大夫禮主人南面拜是不與為賓主之禮也左人謂人在主人左也若鄉飲酒鄉射等北面則主人在東賓在西此南亦有薦胥注曰亦設薦胥禮記云內賓立于房中西墻下東面南上宗婦北堂東面北上疏曰云亦設薦胥于其位者亦上眾賓及兄弟等也引特牲記者欲見內賓設薦之位也

### 右主人徧獻內賓

主人降洗升獻私人于阼階上拜于下升受主人答其長拜乃降

坐祭立飲不拜既爵若是以辯降乃祭飲賤也○注曰私人家用已所自調除也大夫言私人不純

臣也士言私臣皆有君之道也疏曰調除謂請于君除任之也大夫尊近于君故屬己之臣名為私人士卑不嫌近君故得名為私臣畢夫贊主人酌主人于其羣私人不答拜與答其長拜者異也其位繼

兄弟之南亦北上亦有薦香亦申言其位候也。○注曰繼兄弟而北上不敢專其位也。兄弟之位

東西南北上今繼兄弟之南其位亦北上與兄弟位同故云不敢專其位也。

### 右主人獻私人

主人就筵尸作三獻之爵注曰上賓三獻之爵也不言三獻作者賓尸而尸益臭可自舉也疏曰云不言

三獻作之者對特牲三獻作止爵故決之也作其爵者以神惠均于庭訖終欲使尸飲此酒也自此以下有四爵尸作三獻之爵一

也獻備二也致爵主人三也受尸酢四也愚按注謂饋尸而尸益與故自作爵也其說蓋非下大夫不饋尸尸亦自作爵也此但大

夫禮與士異耳司士羞清魚縮執俎以升尸取廡祭祭之祭酒注曰不羞魚上滫

小味也羊有正俎羞上滫肉滫豕無正俎魚無上滫皆殺也卒爵司士縮奠俎于羊俎南橫載

于羊俎卒乃縮執俎以降尸奠爵拜三獻北回答拜受爵

右尸卒三獻爵

### 右尸卒三獻爵

受爵酌獻侑侑拜受三獻北面答拜亦北面拜者司馬羞涪魚一

如尸禮卒爵拜三獻答拜受爵注曰使司馬羞魚變于尸敖氏曰

司士為之此不宜使司馬且司馬惟主羊俎羞魚非其職也愚按前尸侑羊俎並司馬設無變也教說是

### 右三獻獻侑

受爵酌致主人主人拜受爵三獻東楹東北面答拜疏曰賓當在西階今在東

楹之東有主人席在階上以賓于東楹東就拜之也司士羞一涪魚如尸禮卒爵拜三獻

答拜受爵如尸禮如其祭拜之屬也

### 右三獻致主人

尸降筵受三獻酌以酢之注曰既致主人尸乃酢之遂賓意也疏曰賓雖不言其意欲得與主人行獻酢

之禮今見致爵于主人說尸方酌以酢賓是遂達賓之意也三獻西楹西北面拜受爵尸在其



右以授之尸升筵南面答拜

在其右親授尸彌卑也

坐祭遂飲卒爵拜尸答

拜執爵以降實于篚

執降者三獻也

### 右尸酢三獻

二人洗解升實爵西楹西北面東上坐奠爵拜執爵以興尸侑答

拜

注曰三獻而禮小成使二人舉爵序殷勤于尸侑也疏曰云小

或者其後仍有舉奠加爵等乃禮之大成也云使二人舉爵序殷勤于尸侑者飲酒之禮酬與無算爵乃盡歡心也按鄉飲酒鄉

射持性等皆一人舉解為旅酬之始二人舉解為無算爵之始今

償尸乃以二人為旅酬始者以初時主人酬尸尸奠之侑未得酬

今使二人舉解因尸及侑侑乃亦奠一爵而尸之一爵遂得以酬

于下也凡旅酬皆從上發尸為首故特性

等一人舉解為旅酬而此大同小異也

受爵舉解者皆拜送侑奠解于右

注曰奠于右者神惠右不舉也

### 右二人舉爵尸侑侑奠解

尸遂執殯以興北面于阼階上酬主人主人在右

此以下明尸酬主人也○注曰

尸拜于阼階上者酬禮殺也疏曰按上文尸酢主人主人東楹東北面拜受爵尸西楹西北面答拜是各拜于其階今尸酬主人同

拜于阼階故云殺也坐奠爵拜主人答拜不祭立飲卒爵不拜既爵

此尸酬主人也也酌就于阼階上酬主人主人拜受爵尸拜送

此尸既自導飲而因酬主人也也注曰言就者主人立待之也酬不奠者急酬也

也疏曰酬不奠者對上主人酬賓奠解而言也尸就筵主人以

酬侑于西楹西侑在左此以下明主人酬侑也酬侑于西楹西楹酬主于東階上也坐奠爵拜

執爵興侑答拜不祭立飲卒爵不拜既爵此主酬侑而先導飲也酌復位侑

拜受主人拜送言酌復位明投侑于西階與尸授主主人復筵乃

升長賓侑酌之如主人之禮至于衆賓遂及兄弟亦如之皆飲于

上此主酬侑而侑因以酬長賓其下遂皆通差以相酬也○注曰言升長賓則有贊呼之也上西階上也疏曰若不有贊呼之則

當如上文眾賓長升兄弟之長升也愚按皆飲于上通承上文之詞尸酬主人主人酬侑侑酬賓賓酬兄弟皆飲于上自此兄弟酬私人飲于下而主婦酬內賓遂及宗婦皆飲于房中矣內賓不言酬者蓋不與男子旅酬之列故與

者升受下飲卒爵升酌以之其位人之往也○注曰升受下飲者私而仍下飲之也其位兄弟南之位疏曰兄弟位在洗東私人位在兄弟之南今言下飲則私人之長一人在西階下飲之其餘私人皆飲于其位下經云卒爵升相酬辨卒飲者實爵于館注曰末受酌以之其位相酬徧是也旅酬故實于館也

右上下徧行旅酬

乃羞庶羞于賓兄弟內賓及私人

注曰但有庶羞而無房中之羞賤也內賓亦同時羞則房中亦

旅矣羞其如主婦舉酬于內賓遂及宗婦也疏曰云房中亦旅者旅酬及私人之後乃羞庶羞而內賓羞在私人之上私人得旅酬則房中內賓亦旅酬可知也

右羞賓兄弟內賓私人

兄弟之後生者舉解于其長洗升酌降北面立于阼階南長在左

坐奠爵拜執爵以興長答拜

注曰後生年少者也古文解皆為爵延景中詔校書定作解長在左避主人

人也疏曰凡獻酬之禮若北面則主人在東人在西今長兄弟北面而在左則在西矣是避主人也愚按特牲禮主人北面酬賓賓

在左並拜兄弟弟子舉解于其長儀亦然今少牢禮並同也彼長兄弟在左雖非賓亦如賓然故云避主人坐祭遂飲

卒爵執爵以興坐奠爵拜執爵以興長答拜

卒爵亦拜長亦答拜雖後生兄弟行也

洗升酌降長拜受于其位舉爵者東面答拜爵止

注曰拜受答拜不北面者亦儀

尸禮殺也長賓言奠爵于薦左長兄弟言爵止互相發也皆言相

待也疏曰按特牲兄弟弟子賓弟子舉解于長為族酬與無算爵

凡其拜送皆北面而此乃東面故云俯尸禮殺也言奠爵言爵止皆為相待者此兄弟舉解于長爵止然後賓及兄弟私人之屬交

行徧不至交錯則所謂旅酬也故待之也愚按此後生舉觶于長兄弟之禮並同特牲其位即是上北面之位注疏疎也所異者特牲士禮旅酬訖賓弟子及兄弟弟子各舉觶于長以行無算爵之禮今少半大夫禮則旅酬訖惟兄弟後生舉觶不及賓弟子而賓長乃又獻于尸耳所以然者彼士禮不償尸故皆舉觶于長為無算爵此大夫禮償尸故賓長又舉爵于尸乃遂之于下也

右後生兄弟舉觶長兄弟

賓長獻于尸如初無滹爵不止

注曰賓長衆賓之長次于上賓者非即上賓也無滹爵不止別不如

初者也不使兄弟不稱加爵不用觶者大夫尊也疏曰上賓獻侑致爵于主人皆有滹魚今無滹魚故經特云無滹上賓獻尸尸奠爵于薦左待獻堂下畢乃舉觶今尸不止爵故又特云爵不止也上賓本賓長以將獻異其文為上賓此不異其文明非賓長故注云衆賓之長次于上賓也特牲云長兄弟洗觶為加爵又云賓長為加爵此但使賓長不使兄弟又但云獻于尸不稱加爵但云爵不云觶故云大夫尊也愚按觶自對文則異散文則通經洗觶亦稱加爵則為通稱可見非為大夫尊故用爵也凌氏謂此爵當用觶不言洗觶文省  
 賓一人舉爵于尸如初亦遂之于下  
注曰賓一人又次于

賓長者也。如初如上文洗解之屬亦遂之于下者。遂及賓兄弟下至于私人。獨飲亦如之也。疏曰：此舉爵更為旅酬。如上旅酬之儀。但前二人舉此一入舉為異耳。其術飲亦從上至下。故云亦遂之于下也。恩接又行旅酬而乃及無算爵者。旅酬以差猶禮也。無算爵不以差則情也。禮恐不及。故達之情恐有餘。故節之。

右次賓長獻尸更行旅酬

賓及兄弟交錯其酬皆遂及私人爵無算。注曰：長賓取解酬兄弟之黨唯已所欲無有次第之數也。

右賓及兄弟錯酬無算爵

尸出侑從主人送于廂門之外拜尸不顧。疏曰：尸侑賓也。孔子云：賓不顧矣。拜侑

與長賓亦如之。眾賓從。注曰：拜尸及侑并及長賓也。眾賓從者不拜送也。司士歸尸侑之

俎尸侑尊送其家也。主人退有司徹。注曰：退反于寢也。徹者徹凡堂上下之薦俎也。必言有司徹者外賓尸雖

堂上婦人不徹也疏曰堂上尸侑之薦俎堂下賓及兄弟之薦俎也按特牲宗婦徹祝豆籩入于房徹主婦薦俎而此少牢則不云宗婦徹但云有司徹者注云為將饋尸使有司徹之也是外之也又下大夫不饋尸之禮有司官徹饋改饋于室西北隅為陽厭至禮終則婦人徹室中之饌注云徹祝之薦及房中之薦不使有司也則陽厭有司饌之婦人徹之外內相兼此堂上賓尸猶堂內之陽厭嫌婦人亦徹之故云雖堂上婦人不徹明亦異于下大夫之陽厭也

右禮終歸俎